



陳庭生  
先生遺  
書二種

# 秋園雜佩

## 山陽錄

### 書事七則

光緒乙未武進盛氏思惠彙刊

友人陳子貞慧著秋園雜佩凡十六種皆記載耳目間物近而小者或曰心遠地偏以消永日其雜佩之謂乎侯子曰非也請爲序之其曰廟後茶以澹爲宗君子之交澹若也譏附濃也曰蘭自喻也眾草蕪穢蘭獨芳也曰龐公榛託西方氏志物外也曰竹茹山中所在有之食馬言采其薇也曰南嶽尊惟南嶽澗中爲然易置他所卽萎感物生之不可移也曰香櫟志閩粵之阻也歎摘香於童僕也曰書硯感髀肉也思良友也曰鸚鵡啄金杯記先朝法物思太平也曰時大彬壺傷名有幸成而物易喪古也曰湘管稽鍛也王琴也悼相國之先哲而貴池之忠義也曰黃熟香辨正也惡奪真也曰五色石子質堅也文離離也我心匪石也曰摺疊扇志變制也曰邱山胡桃志淫巧也曰杜鵑感符讖之驗而鄉里失所也曰永定海棠詳其始詳其廢詳其復記興廢之有自也不獨物有然也侯子序而歎曰秋收也天地之氣閉而藏也佩者佩也古人或佩韋馬或佩弦馬或佩刀劔以示威馬或佩玉以比德馬示

不敢忘也陳子意者當天地閉塞之時退而灌園有不能盡忘者  
耶其詞微其旨遠其取類也約其稱名也博文武之道未墜於地  
識小云乎哉梁園姻盟侯方域撰

秋園雜佩

宜興陳貞慧定生

荻洲鷗地抱病來此敗甌頽鐺時煎惡草以送日隙則攤書  
滌硯未足以消耗閒心偶拈數條以爲寂歷之助題曰秋園  
雜佩道者曰此子無福少卻松間一日瞌睡也余笑而頷之  
戊子秋八月定生識於毫村之雪岑厂

廟後茶

陽羨茶數種芥爲最芥數種廟後爲最廟後方不能畝外郡人亦  
爭言之矣然雜以他茶試之不辨也色香味三淡初得口泊如耳  
有間甘入喉有間靜入心脾有間清入骨嗟乎淡者道也雖吾邑  
士大夫家知此者可屈指焉

蘭

蘭龍池銅官間芊眠峭嵒離離如積山人采擇人衣香欲滿園杖  
挑藤束筐筥登市纍纍不絕每歲正二月之交自長橋以至大街  
鱗次櫛比春光皆馥也一幹數花生於夏月者則名蕙

龐公榛

龐公榛生宜邑芙蓉寺其味冷香幽冽相傳為龐居士訪太毓禪師三到芙蓉攜榛種此因名今寺門有三到亭

竹菇

註此蔬隔宿輒不可食故雖鄰邑不可致也

竹菇蕈也山中所在有之小如錢色如胭脂新染生以二月風味絕佳真山家土物也王百穀稱為伊蒲第一

南岳蓴

雲間張季鷹聞秋風起思蓴鱸便拂衣歸人高之而蓴之風味始著吳中他處亦不甚產崇禎戊寅問卿從西湖移至南岳蘭墅澗中其類遂繁五六月間莖長丈許凝脂甚滑真如晶透雪葡萄也味甚淡而旨想季鷹秋風正饑此耳或曰惟南岳澗中為然移置他所即不活也

香櫞

香櫞見嶺表廣記一名枸櫞子香與韻遠勝於佛手以佛手自閩

來爭致之實不及香櫞之蘊藉耐久耳嘗見崧兒一詩有云落落此非橘幽於味外饒摘香童僕手分靜素資審似能繪趣自變亂以來佛手建蘭茉莉五年不至矣間有之非山人寒士所得昵余庭畔香櫞數株每當高秋霜月赭珠金實纍纍懸綴不下四五百毬摘置紅簃幽香一室凡吾之襟裾夢瀋皆是物也以不用錢買餘得以分贈親知一時沾沾為貧兒暴富矣

書硯

陳眉公云文人之硯猶美人之鏡不能離也甲戌初夏余過訪眉公於柰山出藏硯相賞於綠陰之下舉一以贈余有宋元祐二年學生蔡珪製數字凡石質之粗者易墨而敗筆細潤者便不能發墨此硯質潤而仍易墨可稱佳品余藏數硯不能過之今年城居兩月親友處假一硯最不生墨筆著紙墨即浮撒且蟾滴勞甚愈以見硯之佳者足寶也但余焚欲君苗磨非維翰負愧眉先生捐佩意耳

鷓鴣啄金杯

審器前朝如官哥定等審最有名今不可多得矣余家藏白定百折杯誠茶具之最韻為吾鄉吳光祿十友齋中物屢遭兵火尚歸然魯靈光也國朝審器之精者無逾宣成二代宣乃遠不及成宣則雞文粟起佳處易見成則淡淡穆穆饒風致如食橄欖妙有回味耳余友問卿家藏鷓鴣啄金杯高足磬口亭亭玉立一名四如十六子又名太平雙喜淡白中見殷碧離離之色真如撒卜嵌空櫻桃的歷寶光欲浮使人不能手每過雲起樓促膝飛觥出成杯勸酒醉眼婆娑觀此太平遺物不勝天寶琵琶之感註雲起樓吳問卿先姑丈城中宅欄檻花石甚麗

時大彬壺

時壺名遠甚即遐陬絕域猶知之其制始於供春壺式石樸風雅茗具中得幽野之趣者後則如陳壺徐壺皆不能髣髴大彬萬一矣一云供春之後四家董翰趙良袁錫其一則大彬父時鵬也彬

弟子李仲芳芳父小圓壺李四老官號養心在大彬之上為供春勁敵今罕有見者或淪鼠菌或重雞彝壺亦有幸有不幸哉

湘管

湘竹彌竹出西粵山中其地多獠獠所居非裹糧徒步冒煙瘴犯霜雪不致也舟行六千里得至江南擇其篁孫之美好者臙肌猩暈斷以為管始為徐陵珊架上物亦勤且勩矣崇禎戊辰家仲父別駕桂林前後多有攜歸每得百餘管視之不重也余年家文文起相國余友吳次尾頗好之多有所遺二十年來零落殆盡所存不及十餘遙望西粵何異天上然中年離亂江淹五色湘東銀筆安所用之沉海內知交嵇鍛王琴多化為異物騷魂徒賦筆冢成封觀一湘管而坡老磨人之謔廣陵絕調之悲茫茫交集止有曇州遺淚與管上湘痕淫淫罨靄而已又何異於龜蒙之志錦裙也

黃熟

黃熟出粵中真臘者為上香味甚穩佳者不減角沈次亦勝沈速

下者謂之黃熟桶濃煙潑鼎不能堪耳初價不甚昂山家所易辦今不能多得香肆中絕少佳品每坐雨煮茶窗綠正午輒思此良友

五色石子

五色石子出六合山瑪瑙澗雨後懸痕螺髻纍纍濯出然山深地僻往返六十里非好事者不到自萬曆甲午餅師估兒從旁結草棚以市酒食於是負石者始眾蠶湧蟻聚日不下數石以白磁盤新水盛之好甚者十不得一二其佳者猩紅黛綠雲撓不一或為羊脂玉或為蜀川錦或為鸚鵡紫或為僧眼碧或為嫩鵝黃朱者如美人睡痕黑者如山猿怪瘦文采陸離雖玊珠堆盤琥珀映觴無以加是縱不敢望米襄陽研山然亦石骨中之小有奇趣者獨恨闌闐市兒寸許石子索價每以兩許昔坡公餅餌易得以二百五十枚供佛印令生今日當有同歎

摺疊扇

宋朝握團扇其摺疊扇自永樂朝鮮貢始始頒其式宣弘間扇名於時者尖根為李昭馬勳為單根圓頭又方家制方相傳云文衡山非方扇不書川扇戈扇以地著後又有蔣三蘇臺荷葉李玉臺柳邵明若李文甫耀濮仲謙雕邊之最精者也遠者百餘年近亦四五十一年物即一扇之制而精堅脆薄其為升降也具矣註陸文妹子寫扇摺痕尚存孫面韻注搨扇則唐人已存矣見物理小志抑亦團扇之摺疊者并志以備參考

邱山胡桃

邱山邑人雕刻精工所製胡桃墜人物山水樹木毫髮畢具余見其有漁家樂東坡遊赤壁百花籃詩意有夜半燒燈照海棠春色先歸十二樓數事窗閣玲瓏疏枝密樹掩映斐亶即善繪者無逾其精巧他有效者便見刀鑿痕終不及其雅鎔矣雖一小技耳前後莫有工者且胡桃大不踰寸幻如許狡獪令人目境迷離亦一奇也故記之

杜鵑原文闕

謹按蛟橋鈴記云長橋脈斷杜鵑枯四方兵亂此詩不知何來流聞甚久或云郭景純之遺驗也崇禎辛巳杜鵑忽枯周相國是年建坊於橋北塊上橋脈鑿斷坊亦未成遂有甲申之變杜鵑產蜀中素有名宜興善行洞杜鵑生石壁間花碩大瓣有淚點最爲佳本不亞蜀中也杜鵑以花鳥並名昔少陵幽愁拜鳥今是花亦可弔矣戊辰秋日男維岳擬補

### 永定海棠原文闕

謹按海棠以西府爲貴吾宜永定村海棠相傳爲宋時遺植卽坡公置產還券處也坡公來宜吟詠其下詩云日暖風輕春睡足善於描繪矣永定邵氏爲宜邑舊族其家之盛衰興替亦不知凡幾矣獨海棠猶以永定著名虬枝豔葩光影照耀花開時遠近觀者雲集噫故家遺族流風餘韻尚有過而問之者乎抑無足津逮耶噫良可慨也戊辰仲冬男宗石擬補

先大人山陽錄秋園雜佩兩書宗石十齡時曾見鏤板丙申遭先君大故宗石年甫十三四壁無存饑驅渡江贅雪苑侯公甥館孑然一身僅守先大人所撰皇明語林雪岑集山陽錄書事七則秋園雜佩諸稿皆先大人手自刪改者癸亥冬筮仕博陵丙寅三兄到署始知前所梓兩板已

失宗石謀共付剗而皇明語林雪岑集卷帙稍繁蓋將有待乃先刻山陽錄書事七則質之海內惟秋園雜佩細校先外舅侯公序缺杜鵑永定海棠二則戊辰春寄書三兄搜之家乘鈔稿郵示較宗石藏稿又少香櫞書硯湘管黃熟四則文亦稍有異同嗚呼先人手澤一傳已多缺略況其後焉者乎宗石不禁淚下沾襟動弓冶箕裘之感矣茲同三兄追逆先大人立言之旨以意補之登之梨棗卽以先外舅侯公序冠其端諸則悉詳可作總目是書雖不能還舊觀庶釋郭公夏五之憾於萬一也戊辰仲冬四男安石謹書於安平公署

秋園雜佩

幼時披梁太子選至思舊賦歎其文不副題惟揭取日薄虞淵二語寄痛爾邇來愴怳實盈萬族邇總角至今所事大君子筍簞蠹網講堂黽塵孤蓬幽壑觸緒興感展山陽錄定生志人余請志地定生畫界於乙酉余更補厥前後則有如泖上之兼推戲鴻竺塢之偕甥及子過觀海坊而再見荆蒿入傳是院而恍聆磬鐸因清惠而追文介緣石齋而懷石倉娥江斧劃誰勒幼婦于絕粒數公毘山壘枯徒泣掘鼠于嬰城一旅兀坐恍恍冀若君家少保再脫豸章出都時不可得矧邇與先尚寶握手長橋擊節長公孫謀先生制義時哉予已雉染詎復畱戀然枯木倚寒崖轉使老婆舌嘲俗漢無己姑舉古德語麒麟客語參之既云盡大地是老僧一隻眼又云傾四大海水未足喻多生眼淚具是解者坐照雪涕勿復作岐觀可也同郡年通社納米題

山陽錄目

五先生贊

陳徵君繼儒

張清惠公瑋

華吏部允誠

乙酉四君子贊

侯銀臺峒曾

夏吏部允彝

十子篇

吳貢士應箕

錢太學禧

周儀部鏞

梅茂才郎中

顧太學杲

文相國震孟

黃學士道周

徐宮詹沂

黃進士淳耀

楊解元廷樞

雷憲副演祚

麻文學三衡

陳給諫子龍

盧進士象觀

又二子篇

黃貢士毓祺

張太史溥

附

陳山人裸

伯仲篇

兄文學貞貽

兄農部貞達

山陽錄

宜興陳貞慧定生

五先生贊

秋八月瑟居閒處念生平所師事父執者多化為箕尾山河  
矣梁木其萎則吾將安仰不揣不文得五先生所與疇昔者  
各為贊述聊附仰止不諉云爾其炳炳大節當載國史慧亦  
何容置喙其間先君子同心多海內巨公逆璫忠賢摧折未  
盡者見於甲申乙酉別有論次其慧未親炙或親炙而靈光  
歸然者俱不敢及

陳徵君眉公先生繼儒

先生生太平盛世享上壽巖棲谷汲者五十餘年妻梅子鶴日居  
頑仙廬墨瀋淋漓煙雲供養四方載酒問奇纍纍不絕幾欲鐵其  
限先君浮沈仕宦於先生為晚合慧每刺船過訪奈山焚香煮茗  
意得忘歸先生於慧亦若有元契者人欽其和余重其介  
贊曰綠瞳秋水人以為仙虬梅偃僕人以為禪先生殆移我情矣

山陽錄  
噫其在成連海水之間

文相國湛持先生震孟

先生祥麟威鳳兩月平章海內重之如山先少保生平耐久交指不多屈先生其一也每過吳門流連竟日蓋竺陽居中蒼苔厯厯時有兩人杖頭痕慧亦辱在先世詩章贈答赫蹠往還纍纍成冊蓋月得冷金便面者一雪蠶舊紙者三四馬少保去世後有修怨者先生翼之以是爲生死交矣

贊曰方先生之爲孝廉也以天下爲己任而志軫於安危先生之爲相國也麤裘兩月而望著乎華夷余猶獲見其人也蓋霞姿偉幹豐下而劍眉

張清惠公二無先生瑋

先生自秉鐸至御史中丞不改寒素蕭然數椽僅蔽風雨清標高節孫文介後一人於先君爲後起每以雁行視慧慧不敢承先生益引爲忘年交以同郡故孺子之榻月一懸焉相對脫粟一盂莧

鼓少許藜羹苦茗雜以清談永日而已間有操豚蹠壺酒來者卻之笑指其腹曰吾兩人俱豈任肉者

贊曰其貌瘦而古其人樸而古其於慧交也澹而古猶憶己卯之歲客窗除夕先生流連慰藉不啻家人骨肉焉古之人古之人嗟乎張先生

黃學士石齋先生道周

先生博學稽古躡用修元美而上之蠅頭小楷塗竄甲乙纍如牛腰側弁而哦寒暑不輟爲庶常讀書東觀先少保過之見其蔬糲刻苦卽深歎服後爭國是下詔獄與家農部同繫情好最暱棋酒之暇先生輒指請室曰此吾兩人山陽墟畔也已戊碧雞問道南都慧得從游馬先生每念余兄輒淚雨覆面掇皮皆真者貌似中人弱不勝衣當大事則侃侃不撓志節同信國而文章擅韓蘇之長

贊曰在天爲日星在地爲河嶽在唐顏真卿在明方正學子房之

一擊浪沙天耶人耶武侯之六出祁山不愧不作

華吏部鳳超先生允誠

先生於慧未謀面也先君棄慧十年而未邀國典厄於權也至甲申慧徒步請卹泣血南都得旨矣國賊阮大鍼旋中以黨將甘心焉先生時爲驗封以書來曰尊公海內所仰重也某一日畱而不爲尊公竣此局爲負職況目擊仁兄之罹禍况罹禍之所自來乎爲負友先君卒有少保之贈嗟乎先生之於慧深矣戊子四月先生之得爲完人也直木無曲影介石不受緇亦其所從來者素也贊曰爲須賈髮范睢擢之爲荆軻髮白衣泣之爲彼都人士之如蠶耶爲盧蒲葵之心長耶終不如先生之種種者爲張睢陽齒而爲顏常山舌

乙酉四君子贊

乙酉志變也四君子何賢也死也死以乙酉也前乎此者有矣後乎此者有矣卽以死卽以賢曷爲四君子曰江以南也

且於予有縞紵雅馬作乙酉四君子贊

侯銀臺峒曾

廣成先生風懷雋烈梗概自負其父啟東公與余先世已敦僑札焉清白子孫風華羣從子顯子雲競賦雕妍之作惠連靈運羣飛螺黛之名斯文筆之絕優人倫之樂事矣乃其闔門就難舉族馳軍守膠上之孤城率江東之義旅登陴嚙血矢盡餉窮陰雨淋漓兩兒侍從何其悲壯者乎城陷之日父子沈湘胥濤葬忠孝之魂孤島哭才情之鬼響入心脾哀感頑豔矣贊曰月黑城愁夜寒軍死碧血千年辣哉父子

徐宮詹汧

九一倜儻非常負公輔器一時名輩有君顧之譽先君忤權歸里落日河橋風塵古道畱連慰勞庶幾古歡乙亥先君捐館優孟掉頭之歌慷慨於孫叔孝標絕交之論歎息於任昉排難解紛以是爲極不能忘又嘗爲余母墓銘引經據傳詳簡典蔚色絲黃絹誼

足千秋甲申蒙難余片舸蘇江悲歌相唁悵銅駝於闕下惆金爵  
於長安蓋已逆知今日之事矣乙酉而九一死陳子聞之而悲曰  
嗚呼有以也

贊曰具區千頃正氣所鍾金幢絳節海市鮫宮

夏吏部允彝

彝仲才思神皋文章淵藪紅蘭獨笑丹霞自鮮劉中壘之淹通張  
司空之博物人士矜其名秀馬壬申之歲簪紵長干於爾公伯宗  
諸賢追河朔之文壇溯芙蓉之公讌嗣後浮沈聚散誦明月之章  
慨然久之乙酉聞變彝仲則出橐中裝椎肥擊鮮置酒高會一時  
射雕俠客繡虎名流西園歌舞之賓少長咸集歌笑淋漓觥籌交  
錯客方轟酒乃起避席更衣則已赴沅湘矣嗚呼男子哉

贊曰生存華屋視死如歸蕭蕭易水寒風送之

黃進士淳耀

蘊生夙負雋才蚤蜚俊譽無何而跣跋名場青衫潦倒劉武陵之

到處虺隤郭櫟陽之所如枳棘有心者惜之午未一第旋避馬阮  
之塵寄跡僧寮蓋是時識已定而學益老矣尋而邁斯大故邊笳  
攢夜朔笛煮心與廣成父子破家結客死保殘城也城破慷慨大  
呼曰臣結髮讀書有年矣死無以報高帝遂入清涼庵經死弟淳  
友亦死

贊曰白日悲風人生實難田光一死以報燕丹

十子篇

十子者皆江之上下聲相接也數年間或死於感憤或死於  
兵火或死於國賊或死於節義死皆有足念者又皆陳子金  
石契也因約略其生平而爲之小贊滿目山陽聊以寄予中  
郎虎賁之思而已不書地者十子固天下士也其學同其道  
同其志同生平多兄弟畜者先後以齒戊子中秋前一日  
吳貢士應箕

次尾骺麟負氣節其讀書有本末平居酒酣感慨祖鞭劉嘯虬髯

山陽錄  
四  
颯颯未常不在受降風雪間也魯仲連欲烹醢梁王灌夫痛罵程不識而頭顱老大辭舌不平氣亦是以不振乙酉之死而次尾何以死也次尾又何得不死噫次尾之志也  
贊曰郢人運斤伯牙流水乾坤歷歷何限餘子

楊解元廷樞

維斗靜樸有古道者風伯通橋畔一盂一葛倚如也龍蛇之歲隱於鄧尉山中而玉肯如泥龍終見腊鑿坏不免擊筑何從望白練於吳門可勝太息有子俊三孫仲謀也

贊曰維斗穆穆邦家之光洞庭莫釐山高水長

錢太學禧

吉士善讀書善爲文章善飲酒善罵癸未甲申讀書愈多文章愈妙飲酒罵人愈奇愈痛愈淋漓無賴而莫可如何而與予性命之交愈深明年遂死死又甚可悲也嗟呼是古之傷心人也  
贊曰吉士無聊乃逃之酒其或罵人罵亦不朽

雷憲副演祚

介公龍眠奇男子也烈皇帝時伏闕觸權貴人權貴人死直聲大震無何燕京陸沈被髮狂號且慟且走握短槩結汝潁風塵之客思欲得當以報漢也志未果讒者旋中以伊霍事與仲馭同日遇害獄中泣喚鶴於華亭機雲並戮悵可兒於姑孰周戴駢誅能不悲乎死之刻飲酒談笑自若仲馭爲慷慨書其胸曰先帝遺臣雷演祚

贊曰爲夏侯色爲中散琴嗚呼介公終傷我心

周儀部鏞

仲馭名家進士余嘗於蕪闕從之遊飲醇酒啖生鮓魚龍角觝甚歡也久之上終軍之對哭賈傅之書蘭鋤玉剛則拂衣從上春門外歸歸而讀書學道著委宛紉二酉丹黃油槩蓋扶風絳帳弟子半天下焉乃疊起辨奸孽由憤世身輕似葉名重於山矣  
贊曰茅峰鐵笛鹿蹟琴絲死而不死終古如斯

麻文學三衡

孟璿偉幹疏髯有志節好將帥之略然淹雅博文所著花瑣志古  
香流麗得晉唐風氣憶歲癸未弔朗三過宛上落日西風黃公墟  
畔余與孟璿不覺失聲一慟曾幾何時而孟璿死更以烈死雖然  
人孰無死且人孰如孟璿之死也

贊曰聶政屠腸漸離躍目野水殘橋千秋猶哭

梅茂才朗中

朗三詩文書畫不愧風流痛飲歌騷居然名士丁丑之歲與余同  
研西園觴歎鄴院琴歌春月酒闌紫簫紅幔而賦牡丹十韻才情  
欲絕髣髴青蓮也自壬午南還貂裘潦倒長鋏歸來客舍悲羅鄴  
之讐看花墮孟郊之淚遂至埋珠斷嶺瘞玉北邙悲不自勝泣將  
何及矣卒時年三十有七有書帶沙羨二集行世

贊曰畫苑詩名襄陽摩詰惜哉斯人曾不四十

陳給諫子龍

卧子湖海人豪雲間名秀當其紅燭結華亭之社紫衣銜蓴鱸之  
杯走馬橫塘彈箏茂苑翩翩北海之賓奕奕南皮之客亦一世之  
風華也及其故園花盡江左鶯飛同張岷之捐軀等王琳之遇難  
又何其嘔嗽慷慨者乎彼徒薄有才情賦江南而傷蕪城者又惘  
然自恨已

贊曰夜月要離春風李白酒市謫仙吳宮俠骨

顧太學杲

子方涇陽先生從子負氣使酒罵坐悲歌厯落旁若無人也居恆  
與吳應箕張髯抵掌言天下可悲可嘯事輒嗚嗚痛哭哭罷繼以  
歌間操不律爲詩古文醉瀋襪褫祖鞭誼哭墨間胥有淚聲也既  
無可如何輒覽鏡自嘆曰大丈夫不問封侯何日但問沙場何日  
耳卒之果然

贊曰子方嶽嶽不可一世太湖千頃中有雄鬼

盧進士象觀

幼哲九台司馬弱弟少岐疑亮大節每讀史至興亡成敗及昔賢忠孝事徬徨歎息夜不遑寐若有自命者弱冠舉進士卽遇中原大故乾坤流血鬼嘯狐鳴則脫身從亡命少年彎弧注彈洞筋擢髓節之也幼哲死天下之能爲幼哲與不可不爲幼哲乃卒不爲幼哲且并不樂有幼哲者覩其面矣

贊曰幼哲一死歷千萬祀而不死者其心則死

又二子篇

余旣爲十子贊矣又一爲江陰黃子一爲太倉張子張子成進士讀中祕書稱名太史志稍酬矣冉耕苜蓿照鄰病梨文章十命又可悲也黃子吳中釣碣耳戊子九月聞黃子死不

死又何以爲黃子也時年已七十矣

黃貢士毓祺  
介子負雋才少與弟毓初齊名孝綽孝威連鑣馳譽蓋縱橫藝苑者四十餘年無何而十上南宮數奇不偶杜康橋下豈無痛飲之

人黃歇冢前時有悲秋之客蓋故園流浪者又十餘年申西魚羊橫戈握槊哭函關不應椎博浪不成北走淮南走海流離瑣尾而卒以死嗟乎白首臨刑霜風覆面田橫島上之客聞而悲之  
贊曰七十老翁亦又何求西風太古落照千秋

張太史溥

天如好讀書奧麗喜賓客紬卷十行俱下削彙無元不窺所讐有十三經注疏通鑑記事本末歷代名臣奏議漢魏百名家凡數百卷其文豐蔚典贍兼家丞庶子之長崇禎丁丑余與仲馭朗三詩酒婁上見其賓客輻輳瞻帷如雲口授吟謠手校墳典箏歌賞笑五官並應絕歎爲二劉更生未幾而玉殞蘭摧同輩傷焉然至甲申三月三光霧漲九廟煙飛風流都盡矣天如之死未爲不幸也況思曼才情茂先書乘炳烺當世者乎  
贊曰琴觴昔夜縱酒婁東周梅今日泉穴相從

附

陳山人裸

白室先生壯遊名山大川所至爭客之得其筆墨如隨珠鄴錦橐中致千金裝者屢矣輒散去不顧張祐之禪智李白之酒樓庶幾似之所見雲煙萬狀蜃樓海市雁峰玉版幾萬里遊益老腕益奇晚乃歸隱於虎邱也貴人姻家假屋以居之或詢之曰儼寓耳絕不及貴人姓氏以此知先生真有道人也先生山水渲染不媿古大家曾作雪景江南春二圖並一詩見寄晴窗展對每呼墨寶蚤不知先生能詩然先生不使人知者多矣

贊曰樂哉斯人  
伯仲篇

余伯也無祿生廿有九年而奄爲萬曆己未今彈指三十年矣余念之如一日若初歿者時私述其生平梗概而識之不敢忘叔也長余二稔少同嬉長同學銜哀失恃同抱至痛也自己卯春補任民部余送之京口咽不成語目斷長江黯焉

神悴何意竟成長別乎伯兮叔兮棄予如遺焉嗚呼痛哉因  
收淚爲伯仲篇戊子十月二日書

伯子文學孫謀貞貽

兄孫謀甫弱冠才名大噪縱筆數千言波委雲屬試輒冠軍執經問奇屢錯於戶海內多稱孫謀才子才子云而余伯也實惻惻懋至行人也往余大人奉命江以西執湖口稅璫甚力流言爲沸道路匈匈余伯也一夕嘔血數升遷延無幾何而卒夫伯至性天植有如此者邑玉潭之上讀書遺廬故在焉深山自給日惟蔬豆在舖一日雨雪而道遇號寒也者輒愴然解衣贈之里長老迄今能道其事吉水鄒爾瞻先生顏其墓曰篤行好學吾父傷而自爲之記爲之銘與傳則鄭相國以偉李宗伯騰芳李太史光元諸巨公也又其爲諸生時吳門姚太史願爲友江上李侍御北面執弟子焉余伯也輒深自避匿若不以爲重也者昔范忠宣未貴時讀書帳中頂如墨色自布衣至宰相器識淵沈人稱是父是子呂晦叔

幼嗜學至忘寢食父異之曰後日必爲公輔余伯也而祿蟬聯焜  
熠詎讓古人乃竟塞默弗庸賚志以歿傷哉伯也所著有大全性  
理纂註及當壚度世諸傳奇

贊曰伯之生也吾宗爲有人吾父爲有子而天下所仰爲龍文豹  
霧之在山伯之歿也吾宗爲無人吾父爲無子其升沈感歎又豈  
徒余一人之雪涕而漣漣嗟乎伯也批郤導窾涵泳鑽研其所勤  
勤朝夕者惟欲究性命而學聖賢在家爲曾史在國爲方虎是豈  
烏衣塵尾西園觴詠之翩翩雖則無年吾宗之興廢吾父之傷心  
繫焉嗟乎胡不永年

叔子農部則兼貞達

兄則兼生而雋穎美丰容家君絕憐愛之少以疾故遂愛而忘其  
勞也十八補弟子員歷甲子丁卯試旋以家君任入太學初補南  
太僕主簿爲罔長鄒匪石先生賞識轉南水部母王安人疾余叔  
也日夜焚禱願以身代母也母疾革哀毀踰禮家君呼而前曰孝

有盡乎勉其大者遠者而已叔與慧跪受教乙亥家君捐館號泣  
如之余叔也居平昵乎麴生多長夜飲飲且豪人咸目之曰酒人  
余叔也雖酒人乎而至性敦行往往感動路人余叔也又豈酒人  
乎己卯補任民部尚書郎觸璫下詔獄自北寺移西庫與石齋黃  
先生稱金石交董工部某葉民部庭秀黃太史文煥相唱和焉後  
璫以不法遭顯戮烈皇帝知前之詔獄冤也洗濯之隨補順天知  
事無何而有甲申三月之變罵不屈賊賊創之甚罵益力賊碎其  
首棄屍馬糞中三日後有晉陵陳錦衣者憐其忠具棺殮焉嗚呼  
余叔也貌恂恂處子耳而臨難不避大節瞭然雖其生平使酒好  
氣不以權貴少挫用是多拂人意人亦多以是少之而遇正人君  
子未嘗不折節勤禮握手交歡晚也瀕死者數矣死盜死璫死詔  
獄而卒不死死死於地天崩裂之時殺身成仁舍生取義叔也得死  
所哉

贊曰悲歌罵座而能罵甲申三月之賊罵也可傳酒酣使氣而能

山陽錄  
九  
殉甲申三月之難使氣也可傳少而彈箏擊鼓張筵豪飲者二十載中而崎嶇歷落風雨患難者又十數年殘骸燕市落照西園痛酒徒之零散咽泉石之可憐惟余爲余父請卹長號拜疏將余兄之烈死白之闕下也然志未酬而忠未錄者又日夜而痛我心矣嗚呼蓋有待焉

山陽錄

書事七則

宜興陳貞慧定生

書事七則起自甲子至癸巳三十年矣彈指隙駒惆恍夢寐又如昨日事也而陵谷屢遷有史傳所不勝書者區區聚散存歿之感又不足道嗚呼士生其間何多不幸歟合而識之知予所感者多矣況乎書不盡言者哉甲午十一月陽羨陳貞慧定生識

書事七則此予通家陳定生遯甲子至癸巳填膺裂背不能終

鬱諸胸中從幽憂寂歷時私書之者也嗟嗟七事非不肖所目覩亦所確聞七事中人非所師所友亦所欣慕嗟惜顧或有臆見紛劃初不謂然而今始謂然亦有今猶謂未盡然而終不謂大不然者胭脂井闌賞心亭下木縣庵空擊老奴曲江池難呼先鬼統稽前後局略如檣傾楫折而猶錮長年伏枕慙慙而尚揮扁鵲向夕陽疏雨窗陰蓬底閱之正恐河山易毀此情遣割不去耳乙未六月下旬年家衲米識

原名薛宋

書甲子會推

天啟甲子冬十月貞慧侍先子於燕中時葉文忠已去國趙忠毅  
爲太宰高忠憲爲總憲先子語及時事每有憂色歎曰璫勢愈熾  
去漢熹平間不遠矣未幾忠毅忠憲同日解職先子時以少宰攝  
部事推部院大臣輔臣顧秉謙面語璫所屬意某某以利害相恐  
嚇先子正色拒之曰某知有宗社而已遑恤其他疏列喬允升馮  
從吾汪應蛟上璫怒以所推爲高邑私人坐大不敬首削先子籍  
及佐憲楊公漣左公光斗時漏下一鼓先子曰吾固知有今日矣  
無何御史李公仲達來握手太息曰師行得矣秋葉幾何疾風愈  
甚奈何擬疏爭先子曰無庸也務勉之獨我乎而其疑子也又甚  
於我侍御灑淚別去明日繆西溪太史一蹇乘蹙蹙來曰此行蟒  
玉加榮矣攜壺榼送之郊外浮白酣噱語無所避或謂公得無有  
耳而目之者公曰丈夫卽死死分耳吾腹有丹者在且吾髮種種  
生詎幾而愛之耶嗟乎繆公之談笑仲達之黯然友誼千載可見  
若夫諸君子被璫禍本末次第國史書之天下知之矣

先是甲子春予有家難高忠憲素重先君力掖之羣孝廉諸生  
曰予父子爲東林餘孽顧猶未敢頌言攻東林也入夏赴試金  
陵時則傅鄒互訐之禍移而入閣部天子之威斷不伸於一璫  
甚而小璫敢於圍葉文忠私宅敢於擊斃萬工郎秦淮水榭恩  
愍草草無復生氣是冬在東林鄰園中見邸報一日而盡逐銓  
憲大堂吏垣河南道七八人皆正人也登小艇失足墮水中幾  
死歸與先刑部欬歔相對嗟乎今日述此何異迦文氏自敘往  
劫種種魔障乎

附米

### 書江陵武陵先後奪情事

神祖丁丑張江陵相奪情時抗疏者趙公用賢鄒公元標沈公懋  
學崇禎戊寅楊武陵相奪情宣城沈壽民徵君首攻之繼者劉同  
升修撰趙士春編修壽民君典從孫趙則定字孫而劉又南皋同  
邑也後先數十年間奪情同爭奪情者邑里同而張與楊又楚人  
同亦奇矣江陵天資慘礪其氣力足以挾持天下實爲我朝才相

非武陵者比今人見天下法紀陵夷多稱江陵夫自古未有不孝而忠者嗚呼弑父之子弑君之臣孰爲無才乎

先後巧合大是異事江陵在當日不可謂之無功然其馭敵制寇稍稍就緒者前有華亭新鄭築其基後有蒲州吳門湊其局耳江陵有一長處寧廢其人多用其策所以成功然其媚馮保壞科場令甲百口莫辯况後日人品更污於江陵者乎武陵不能容盧九台而江陵能用戚南塘此亦執政升降之大局也

附識

書甲申南中事

崇禎甲申之三月變甚於唐之廣明元年以事起非常道路之口驚傳不一其時村墟積雨人跡罕至而吾宜又當僻壤北來實耗無從得之然心曰怵怵終不敢以草莽賤士置君國不問也隨於四月初八日從淫潦中策蹇至南京越一日盧進士象觀至各各問訊而道路所傳猶之村墟僻壤云大司馬史公可法正前一日

督師渡江益怵怵不釋時大宗伯爲姜公曰廣姜公爲先世門下士余往叩之所聞猶之道路也益怵怵是日蕪湖沈文學士柱至相與流涕久之既又聞南中諸大老每集議事堂惟相向攢眉竟日無一語或仰視屋之梁恩咄嗟而已間曰事如不可知將奈何競以靴尖蹴地作歎息聲各各散去以爲常余益怵怵再曰余又往見姜公姜公見余握手喜曰有一佳訊昨史公書來云上已航海而南東宮亦間道出矣出司馬札示余余時喜不勝告之沈子盧子不一日而北中逃亡者踉蹌至上於三月十九日自經煤山繼至者亦云田夫野老無不巷哭罷市者至十七日傳北中大老止一僕羸滕徒步進通濟門來問之則舊輔臣魏照乘也魏亦先世門下士余卽往訊之曰信言死事者歷歷可數再欲詳其顛末曰余亦倉皇出都門外多得之道路云時南中諸大老畢來問訊始得其實而上之自經已幾一月矣盧子沈子與余大慟失聲約曰世事至此吾輩卽死死無益仁人志士海內自不乏吾輩

不死當圖其所以不死者言已盧子沈子與余各散去當其時  
司馬宗伯方謀迎立實遲疑未決也而鳳泗巡撫馬士英以得北  
中消息最近阮大鍼又先期竄身福邸中蚤夜密籌計挾劉澤清  
高傑黃德功劉良佐爲援約從既定方以書來餽司馬司馬答書  
有福邸三大罪五不可立之議士英大鍼得書執以爲司馬後日  
罪案五月朔日以四鎮兵擁福王南下改元爲洪光矣嗚呼夫以  
金陵重地不異僻壤司馬宗伯重任所傳不異道路以潢池萑蒲  
之竊發致君國大變而當事泄泄聞絕不聞而姜史二公又人望  
也語云不有老成其何能國乃決大計定大策事權宜無他屬者  
始失之游偵不以時繼失之需遲不能豫奸人抵巇蹈隙外挾強  
鎮內圖冊立而司馬宗伯竟同贅疣無能出聲息其間温嶠祖逖  
無一人出爲江左中興計者嗚呼天爲之哉抑人爲之耶

若論民間昭穆立福王亦未爲謬況先福王有殉國忠烈乎獨  
其立後無一人佐之行正事者初猶炤存門面至劉孔炤內訌

阮大鍼外煽以弘光主之荒淫即使世局不敗劉山陰總憲史  
姜數公尚畱三鎮不協一黃靖南與之分過宮闈醜穢亦使宇  
內解體況事事顛倒哉其中機殼不特正人閹邪人尤蠢不特  
邪人自就死地正人亦全無成局馬貴陽一朱异耳高傑爲妄  
動之李全黃得功爲無援之韓岳左良玉爲無門第之王敦而  
臨春結綺中擁一不識字之叔寶桃葉山前韓擒虎青驄馬又  
誰沮之阮大鍼入浙盼盼爲樊若水而竟爲宰詬嗟嗟乙酉春  
南都是何局勢而諸生問擬題廢紳營薦本何烏衣諸郎之多  
也附識

### 防亂公揭本末

崇禎戊寅吳次尾有畱都防亂一揭公討阮大鍼大鍼以黨崔魏  
論城旦罪暴於天下其時氣魄尚能奔走四方士南中當事多與  
游實上下其手陰持其恫喝焉次尾憤其附逆也而鳴騶坐輿偃  
蹇如故士大夫繾綣爭寄腹以爲良心道喪一日言於顧子方杲

子方曰杲也不惜斧鑕爲南都除此大憝兩人先後過余言所以  
余曰鉞罪無籍揭士大夫與交通者未盡不肖特未有逆案二字  
提醒之使一點破如贅癰糞溷爭思決之爲快未必於人心無補  
次尾燈下隨削一橐子方毅然首唱飛馳數函毘陵爲張二無金  
沙爲周仲馭雲間爲陳卧子吳門爲楊維斗浙則二馮司馬魏子  
一上江左氏兄弟方密之爾止仲馭卧子極歎此舉爲仁者之勇  
獨維斗報書以鉞不然之灰無俟眾溺如吾鄉逐顧秉謙呂純如  
故事在鄉攻一鄉此輩窘無所託足矣子方因與反覆辨論有書  
書不載時上江有以此舉達之御史成公勇成公曰吾職掌事也  
將據揭上聞會楊與顧之辨未已同室之內起而相牙揭遲留不  
發事稍稍露矣阮心此事仲馭主之然始謀者絕不有仲馭也而  
鉞以書來書且哀仲馭不啟視就使者焚之鉞銜之刻骨揭發而  
南中始知有逆案二字爭囁嚅出恚語曰逆某逆某士大夫之素  
鮮廉者亦裹足與絕鉞氣愈沮心愈恨未幾成御史以論楊武陵

嗣昌逮遂不果上鉞遂有酬誣瑣言一揭語雖鶻起中實狼驚至  
已卯竄跡荆溪相君幕中酒闌歌遏襟解纓絕輒絮語貞慧何人  
何狀必欲殺某何怨語絮且泣向相君泣大鉞身雖在陽羨山中  
乎而所以窺伺吾輩者益急無有間青溪道上察子往來如織時  
子寓宋憲副園中同人枉顧鉞多爲相圖也且悖且恚鉞歸潛跡  
南門之牛首不敢入城向之裘馬馳突廬兒崽子焜耀通衢至此  
奄奄氣盡矣然鉞腐心咋齒日夜思所以螫吾輩謀翻局特未有  
路耳居無何荆溪再召竊心喜鉞得間矣幸天子明聖堅持其局  
不變議隨起隨滅無何甲申弘光事起鉞曰此奇貨可居也夤緣  
官兵部尚書以迎立首謀福邸舊案將盡殺天下酬所不快下周  
公鏞雷公演祚於獄發其端時語所親曰吾五六年來三尺童子  
見阮大鉞名姓輒詈而唾者非若若耶若知有今日以揭中最切  
齒者十人列之上曰此擁戴潞藩以圖不逞者又造爲十八羅漢  
七十二金剛之目曰此其羽翼者如王紹徽點將錄故事一網殺

之貴陽馬相曰大事方定如此人心不安姑緩之是時也子適以  
先人卹典畱南中且逆知鉞之眈眈余也以周雷在繫旦夕勞問  
或謂余且遜謝亡去予歎曰禍已成無益況友在難何忍去益旦  
夕二公自若鉞日夜中之莫可解矣一日持余僕至鎮撫誣予爲  
仲馭打點且云仲馭以五百金賄都御史郭公維經將并中郭甲  
申九月十四日兩旂尉至余寓蹤跡余所與仲馭往來書札無所  
得因出一票但聞曰駕上來駕上來數十人蜂擁予去時河南侯  
子適至爲予倉皇出兼金付錢君禧代請問而爲求援於練少司  
馬時漏已下司馬馳詣貴陽曰書生何罪必欲死之耶貴陽曰非  
我意出圓老練曰其先人清德重望至今思之未忘當十世宥者  
奈何卽殺其後人馬相默然顧視燭影移時曰拘之司敗何如練  
亦答旣曰遣之出境去何如練謝而退時舊錦衣劉僑者亦在南  
中致書鎮撫馮大意謂東林後人無故殺之以起大獄後來必有  
公論吾衙門久且年老閱歷多紀綱門達可鑒也馮亦遲迴者久

之而王相國鐸亦有書至鎮撫遂不得周內乃於十五晚拘予私  
衙具五毒阜衣團牌縱橫勢張甚馮作色曰汝何故在京爲周鏞  
打點予不爲動徐曰某書生也不任打點於周某實爲兒女親患  
難中忍不一顧馮曰汝有家人口供以一單示有送銀郭都御史  
一款予曰無論周某素以名節自愛非行賄者郭老先生清廉矯  
矯居官正直南中無不聞豈受賄者馮曰汝何得交郭公子曰某  
之得交郭公以先世有舊耳非因周也馮又佯作色曰此事不小  
然終無所鍛鍊云初見其拘票首予次吳應箕次仲馭弟周錄吳  
與馮有舊先密以意示梅錦衣惠連得免其傳牘有云此輩夜聚  
曉散蹤跡詭祕以無實跡姑發回原籍嗚呼甚哉阮以怏怏不快  
所願曰俟我巡視地方未晚其時逮御史黃澍明年乙酉逮督撫  
袁繼咸輔臣吳姓逮宗室朱容藩又逮御史左光先逮翰林陳名  
夏逮諸生沈壽民張自烈沈士柱逮大司農侯恂洎其子方域方  
夏逮副都御史金光辰諸君子凡號爲清流者惴惴懼重足立矣

四月左帥良玉衷甲東下意靖君側至九江南都震恐鉞以爲雷周所構不除之爲內應不已詣貴陽基指薄暮往語至達旦飛片紙賜死矣屬有飛霜之異諸不靖者尚借爲風雨尋有五月初八日之事清流之禍遂獨中於雷周二公而國事不忍言矣嗚呼

丙戌八月阮大鍼渡仙霞嶺白日忽紫漆燈欲逼躡衛不能前空中聞有兵戈劍戟聲鏗鉤浴鐵如百萬怒雷大鍼馬上嘍喑連呼饒我饒我不逾時馬驚墜深谷中肢體糜潰以死僕從隱隱見穿紅袍者一人綠袍者一人綠袍爲介公紅爲仲馭李侯

云附記

阮司馬大鍼之先世督部公諱鶚者予高祖方山公嘉靖甲午同年也其家故多博雅士如大鍼之叔自華尤奧異然予初不識之崇禎癸酉冬姚孟長先生赴南掌院任晤間談及大鍼所填詞曲十錯認春燈謎予因從錢兵部其若索觀之曰事固有敗於激者若大鍼此曲乃思自漙非思翻局萬一挺而走險過

其攀附正人之一綫而明爲仇敵號召黨羽濟以譎險天下事去矣其若與張二無諸公皆以予言爲平甲戌春大鍼忽持年家弟刺過予一見傾倒欵歎手抱予兒繼貞稱六世兄弟予雖訝之而心憐其夙游趙忠毅廡下抑丁艱在魏閣未橫前或非渠首何必峻拒反深其毒往答拜之卽牽畱張筵出童子演春燈謎酒間娓娓自訴吾與孔時仲達厚他人交構致罹黑冤十錯認所以自雪本情冀公等照覆盆耳予乘醉應曰世間錯固不止十但保公自家不錯何患人錯昔人誤答一轉語墮野狐身而後賢解之曰輾轉不錯復是何物願公從此實之爲國家起見勿生仇恨也自是又十餘年而兩都大變大鍼託彭天錫相謝因相招阮鬚已蟒玉執權薛子來大者侍從小者編摩京堂太史惟所命之以報人棄我取之德不亦快乎予答天錫吾不復以一字復阮鬚但爲語鬚前此猶是從井救人今日乃是李代桃僵此時何時而猶以腐鼠相嚇哉今日見定生所敘述

益服數君先見而余與維斗終是寬一著然據予無著本懷覺一切原無定相若使駕馭得宜安知鄭貴妃不能脫簪魏奄不能帖息掃除役一扶之一挫之遂至於此天下事豈獨中原宮府不宜異同也

附米

### 書癸巳毘陵事

余自甲申乙酉屏處荒村荆棘之息延及五載自戊子四月始入城又四載爲癸巳春一至毘陵俱以難故時居毘陵久毘陵故孔道其邑之士大夫頗幾與賢士大夫交非若吾邑士大夫借地僻得文其固陋者其時有澹上人從匡廬來肩瓢笠日託鉢於市余同楊逢玉訪於太初庵清苦倍於他僧蓋學道而有得者私心慕好之既遇楚黃萬子既又遇東魯耿子二子於澹上人有夙昔歡一爲同年生數人相見欵欵以爲隔世先時黃六湛館於楊靜山與余間日一杯酒於逢玉家中時言數君子之爲人數君子雅相善也又善予予亦雅善數君子也遂與數君子晨夕無間云一日

莊子爾定治齋於楊組玉園飯數君子數君子咸集數君子外又爲介子兄飲伯許中翰弟鍾若一爲園主人一爲余時方幸得數君子游忘其身之爲憂患也其後萬子別去云將返楚爲尊人具七十觴余亦還里惟耿子澹上人畱郡余歸不一月時時心動語諸子曰不知何祥也既聞萬子耿子莊子同被繫未幾余亦以周季子事并余子媚被繫至潤城爲七月初九日予從容不屈得解歸過毘陵與澹上人黃六湛楊靜山楊逢玉相見蓋方幸余之再生而又惜數君子之不得其音耗也臘月二日客言諸君子捐軀絕脰者已半月因歎向日組玉園中一聚雨雪黯然遂成千載嗟乎諸君子之死果死耶而余之不死其果不死也耶他日不能無死死何以見諸君子地下因書其事以語澹師六湛逢玉飲伯頗憶組玉園中一飯否

回首茲事黯然銷魂淡歸元度倦游久矣乃無端而聚頭磕膝致貽斯禍若論世事自貽伊感若論法事沮人道心乃未幾而

又有秦吳等禍所謂驢事未盡馬事又來可歎也補米附識

書華吏部事

華吏部允誠以不薙髮戊子四月十二日被繫南京十四日不屈死姪孫尚濂年十八易姓名從行死之是日僕薛成亦死之十八日吏部櫬還僕朱孝痛主不屈又死之嗟夫二僕者非有誦說詩書之素倉卒顛沛之際甘死如飴亦達其一念所不容已者而已今世風日下求所以勸忠於士大夫之流亦不可得然如二僕者又何以稱焉噫此豈人奴也哉抑吏部實有以風之也夫後六年癸巳而有耿戶部僕死事更烈詳見方太史錄中

嗟乎鳳超肌膚若冰雪綽約若處子所謂藐姑射之神人也其姪孫二僕當亦不食煙火與公偕來偕往者矣嗟乎二十餘年通籍十年吏部而其家無曳紈綺豪僕此余所熟識者毋論其

餘補米附識

書周季子死事後

余與仲馭交最久酒閒時一見其弟季終坐無一言幾疑爲張留侯如婦人女子既遇於白門嗜酒色任俠自喜異之既遇於甲中慷慨大言言天下事數娓娓至古今成敗奮袂起益異之蓋人之不可測如此今獲見其死事本末斧鑕鼎鑊一以談笑處之將古所謂從容就義者非與余直不敢謂季今人也己人固不可測如此乎初季無知者以仲故既而倜儻使氣人爭疾之謂季妄人妄人甚者如仇今無論賢否疏戚稱道之如一因歎世人率無志使有志而獲遂盡如季余又安得盡測之又安計流俗之爲譽爲毀耶

予不識周季子而識仲馭仲馭之死固別有機穽即使果不肯立弘光亦可謂負卓識者矣仲馭若彼季子可知抑出自定生紀述使酒罵坐談笑就刑中季子在焉呼之或出補米附識

書事

右秋園雜佩山陽錄書事七則三種明陳貞慧撰按貞慧字定生宜興人少保陳于廷弟六子副榜貢生改官生贈檢討是書爲其子宗石所刊缺杜鵑永定海棠二則則其子維岳宗石所補也定生身居望族名重黨魁念故國而傷心走空山而雪涕其秋園雜佩侯君朝宗所謂其詞微其旨遠其取類也約其稱名也博當天地閉寒之時灌園有不能盡忘者至於絕脰荒江麋驅原野魯陽未能揮日精衛空思填海類多車笠之同盟縞紵之舊雨山陽一錄噍殺志哀至於推原禍始維持國本書事七則尤可考焉是書流傳頗罕粵雅叢書止刻秋園雜佩一種跋云未見山陽錄七則并脫書事二字亦可見此書之足貴矣今得宗石原刻付梓定生所著尚有皇明語林雪岑集如有以稿本見眎者當并付劖劂焉書事有衲米附識攷衲米爲武進薛案入國朝爲僧亦前明遺老也光緒丙申正月穀日武進盛宣懷跋



泉

中

水

利

書

一

卷	氏	影
緒	用	
丙	守	
昌	山	
卷	閣	
五	本	
誰	壘	
盛		

欽定四庫全書總目六十九

吳中水利書一卷 兩江總督  
採進本

宋單錡撰錡字季隱宜興人嘉祐四年進士歐陽修知舉時所取士也得第以後不就官獨留心于吳中水利嘗獨乘小舟往來於蘇州常州湖州之間經三十餘年凡一溝一瀆無不周覽其源流考究其形勢因以所閱歷著為此書元祐六年蘇軾知杭州日常為狀進於朝會軾為李定舒亶所劾逮赴御史臺鞫治其議遂寢明永樂中夏原吉疏吳江水門濬宜興百瀆正統中周忱修築溧陽二壩皆用錡說嘉靖中歸有光作三吳水利錄則稱治太湖不若治松江錡欲修伍堰開夾苳干瀆以截西來之水使不入太湖不知揚州藪澤天所以瀦東南之水也水為民之害亦為民之利今以人力遏之就使太湖乾枯於民豈為利歟其說特與錡異歲月懸邈陵谷變遷地形今古異宜各據所見以為論要之舊法未可

全執亦未可全廢在隨時消息之耳蘇軾進書狀載東坡集五十九卷中此書卽附其後書中有併圖以進之語載於其上加貼黃云其圖畫得草略未敢進上乞下有司計會單鏐別畫此本刪此貼黃惟存別畫二字自爲一行蓋此書久無專刻志書從東坡集中錄出此本又從志書錄出故輾轉舛漏如是也

吳中水利書

宜興單鏐季隱

竊觀三州之水爲害滋久較舊賦之入十常減其五六以日月指之則水爲害于三州逾五十年矣所謂三州者蘇常湖也朝廷屢責監司監司每督州縣又間出使者尋按舊蹟使講明利害之原然而西州之官求東州之利目未嘗歷覽地形之高下耳未嘗講聞湍流之所從來州縣憚其經營百姓厭其出力均曰水之患天數也按行者駕輕舟于汪洋之陂視之茫然猶擿埴索途以爲不可治也間有忠于國志于民深求而力究之然猶知其一而不知其二知其末而不知其本詳于此而略于彼故有曰三州之水咸注之震澤震澤之水東入于松江由松江以至于海自慶曆以來吳江築長隄橫截江流由是震澤之水常溢而不泄以至壅灌三州之田此知其一偏者也或又曰由宜興而西溧陽縣之上有伍堰者古所以節宣歙金陵九陽江之水由分水銀林二堰直趨太平州蕪湖後之商人由宣歙販運簿木東入二浙以伍堰爲艱阻

因相爲之謀罔給官長以廢伍堰伍堰旣廢則宜歛金陵九陽之水或遇五六月山水暴漲則皆入于宜興之荆溪由荆溪而入震澤蓋上三州之水東灌蘇常湖也此又知其一偏者耳或又曰宜興之有百瀆古之所以洩荆溪之水東入于震澤也今已湮塞而所存者四十九條疏此百瀆則宜興之水自然無患此亦知其一偏者也三者之論未嘗參究其詳以鍰視其蹟自西伍堰東至吳江岸猶人之一身也伍堰則首也荆溪則咽喉也百瀆則心也震澤則腹也旁通震澤衆瀆則脈絡衆竅也吳江則足也今上廢伍堰之固而宣歛池九陽江之水不入蕪湖反東注震澤下又有吳江岸之阻而震澤之水積而不洩是猶有人焉桎其手縛其足塞其衆竅以水沃其口沃而不已腹滿而氣絕視者恬然猶不謂之已死今不治吳江岸不疏諸瀆以洩震澤之水是猶沃水于人不

且未築吳江岸之先伍堰之廢已久然而三州之田尚十年之間熟有五六伍堰猶未爲大患自吳江築岸已後十年之間熟無二三欲具驗之閱三州歲賦所入之數可以見矣且以百瀆言之古者所以洩西來衆水入震澤而終歸于海蓋震澤吐納衆水今納而不吐鍰竊視熙寧八年時雖大旱然連百瀆之田皆魚游鼈處之地低汗之甚也其田去百瀆無多遠而田之苗是時亦皆旱死何哉蓋百瀆及旁穿小港瀆歷年不遇旱皆爲泥沙壅塞與平地無異矣雖去震澤甚邇民力難以私舉時官又無畱意疏導者苗卒歸于槁死自熙寧八年迄今十四載其田卽未有不耕之日歲歲訴潦民益憔悴昔嘉祐中邑尉阮洪深明宜興水利方是時吳中水洪屢上書監司乞開百瀆監司允其請遂鳩工于食利之民疏導四十九條是年大熟此百瀆之驗歲水旱皆不可不開也宜興所利非止百瀆東有蠡河橫互荆溪東北透湛瀆東南接罨畫溪昔范蠡所鑿與宜興西蠡運河皆以昔賢名呼爲蠡河遇大旱

則淺澱中旱則流通又有孟徑洩漏湖之水入震澤其他溝瀆澱塞其名不可縷舉夫吳江岸界于吳淞江震澤之閒岸東則江岸西則震澤江之東則大海百川莫不趨海自西伍堰之上衆川由荆溪入震澤注于江由江歸于海地傾東南其勢然也慶曆二年欲便糧運遂築此隄橫截江流五六十里致震澤之水常溢而不洩浸灌三州之田每至五六月閒湍流峻急之時視之吳江岸之東水常低岸西之水不下一二尺此隄岸阻水之跡自可覽也又睹岸東江尾與海相接處汙澱芟蘆叢生沙泥漲塞而江岸之東自築岸以來沙漲成一村昔爲湍流奔湧之地今爲民居民田桑棗場圃吳江縣由是歲增舊賦不少雖然增一邑之賦反損三州之賦知幾百倍耶夫江尾昔無芟蘆壅障流水今何致此蓋未築岸之先源流東下峻急築岸之後水勢緩無以滌蕩泥沙以至增積芟蘆生矣芟蘆生則水道狹水道狹則流洩不快雖欲震澤之水不積其可得耶今欲洩震澤之水莫若先開江尾芟蘆之地遷

沙村之民運其所漲之泥然後以吳江岸鑿其土爲木橋千所以通糧運每橋用耐水土木棒二條各長二丈五尺橫梁三條各長六尺柱六條各長二丈除首尾占閣外可得二丈餘道每一里計三百六十步一里爲橋十所計除占閣外可開水面二十三丈每三十步一橋也一千條橋共開水面二千丈計一十一里四步也隨橋開芟蘆爲港走水仍于下流又開白蜆安亭二江使太湖水由華亭青龍入海則三州水患必大衰減常州運河之北偏乃江陰縣也其地勢自河而漸低上自丹陽下至無錫運河之北偏古有洩水入江瀆一十四條曰孟瀆曰黃汀堰瀆曰東函港曰北戚氏港曰五卸堰港曰梨溶港曰蔣瀆曰歐瀆曰魏瀆涇曰支子港曰蠡瀆曰牌涇皆以古人名或以姓稱之昔皆以洩衆水入運河立斗門又北洩下江陰之江今名存而實亡今存者無幾二浙之糧船不過五百石運河止可常存五六尺之水足可以勝五百石之舟以其一十四處立爲石碶斗門每瀆于岸北先築隄

岸則制水入江若無隄防則水汎濫而不制將見灌浸江陰之民  
田民居矣昔熙寧中有提舉沈披者輒去五卸堰走運河之水北  
下江中遂害江陰之民田爲百姓所訟卽罷提舉亦嘗被罪始欲  
以爲利而適足以害之此未達古人之智以至敗事也竊見錢塘  
進士余默兩進三州水利徒能備陳功力瑣細之事殊不知本末  
惟有言得常州運河晉陵至無錫一十四處置斗門洩水北下江  
陰大江雖三尺童子亦知如此可以爲利然余默雖能言斗門一  
事合鏘鄙策奈何無法度以制入江之水行之則豈止爲一沈披  
耶又睹主簿張實進狀言吳江岸爲阻水之患涇函不通其言然  
則然矣惟言吳江岸而不言措置水之術蓋古之所創涇函在運  
河之下用長梓木爲之中用銅輪刀水衝之則草可刈也置在運  
河底下暗走水入江今常州有東西兩函地名者乃此也昔治平  
中提刑元積中開運河嘗云見函管但見函管之中皆泥沙以爲  
功力甚大非可易復遂已今先開鑿江湖海故道壅塞之處洩得

積水他日治函管則可若未能開故道而先治函管是知末而不  
知本也竊見常州運河之北偏皆江陰低下之田常患積水難以  
耕植今河上爲斗門河下築隄防以管水入江百姓由是緣此河  
隄可以作田圍此洩水利田之兩端也宜興縣西有夾苾干瀆在  
金壇宜興武進三縣之界東至溇湖及武進縣界西南至宜興北  
至金壇通接長塘湖西接伍堰茅山僻步山水直入宜興之荆溪  
其夾苾干蓋古人亦所以洩長塘湖東入溇湖洩溇湖之水入大  
吳瀆塘口瀆白魚灣高梅瀆四瀆及白鶴溪而北入常州之運河  
由運河而入一十四條之港北入大江今一十四條之港皆名存  
而實亡累有知利便者獻議朝廷欲依古開通北入運河以注大  
江自溇湖長塘湖兩首各開三分之二焉彼田戶皆豪民不知利  
便惟恐開鑿己田陰構胥吏皆棍而不行元豐之間金壇長官奏  
請乞開朝廷又降指揮委江東及兩浙兩路監司相度及近縣官  
員相視又爲彼豪民計構不行儻開夾苾干瀆通流則西來他州

入震澤之水可以殺其勢深利于三州之田也镌于熙寧八年歲  
遇大旱竊觀震澤水退數里清泉鄉湖乾數里而其地皆有昔日  
邱墓街井枯木之根在數里之間信知昔爲民田今爲太湖也太  
湖卽震澤也以是推之太湖寬廣逾於昔時昔云有三萬六千頃  
自築吳江岸及諸港瀆壅塞積水不洩又不知其愈廣幾多頃也  
镌又嘗見低下之田昔人爭售之今人爭棄之蓋積年之水千無  
一熟積空頭之稅或遇頻年不收則飢餓勾殍鬻妻子以償王租  
或置其田舍其廬而逋至于酒坊處有水鄉沽賣不行以致敗闕  
者比年尤甚皆緣水傷下田不收故也镌又嘗游下鄉竊見陂澮  
之間亦多邱墓皆爲魚鼈之宅且古之葬者不卽高山則于平地  
陸野之間豈卽水穴以危亡魂耶嘗得唐埋銘于水穴之中今猶  
存焉信夫昔爲高原今爲汗澤今之水不洩如故也昨熙寧開檢  
正張諤命屬吏殿丞劉慤相視蘇秀二州海口諸浦瀆爲沙泥壅  
塞將欲疏鑿以決流水慤相視回申以謂若開海口諸浦則東風

駕海水倒注反灌民田諤謂慤曰地傾東南百川歸海古人開海  
口諸浦所以通百川也若反灌民田古人何爲置諸浦耶百川東  
流則有常西流則有時因東風雖致西流風息則其流亦復歸于  
海其勢然也凡江湖諸浦港勢亦略同慤雖信其如此然猶有說  
蓋以昔視諸浦無倒注之患而今乃有之蓋昔無吳江岸之阻諸  
浦雖暫有泥沙之壅然百川湍流浩急泥沙自然滌蕩隨流以下  
今吳江岸阻絕百川湍流緩慢則其勢難以滌蕩泥沙泥設使  
今日開之明日復合又聞秀州青龍鎮入海諸浦古有七十二會  
蓋古人爲七十二會曲折宛轉者蓋有深意以謂水隨地勢東傾  
入海雖曲折宛轉無害東流也若遇東風駕起海潮洶湧倒注則  
于曲折之間有所回激而泥沙不深入也後人不明古人之意而  
一皆直之故或遇東風海潮倒注則泥沙隨流直上不復有阻凡  
臨江湖海諸港浦勢皆如此所謂今日開之明日復合者此也今  
海浦昔日曲折宛轉之勢不可不復也夫利害挂于眉睫之間而

人有所不知今欲洩三州之水先開江尾去其泥沙芟蘆遷沙上之民次疏吳江岸爲千橋次置常州運河一十四處之蚪門石隄隄防管水入江次開道臨江湖海諸縣一切港瀆及開通西涇水既洩矣方誘民以築田圍昔邳直嘗欲使民就深水之中壘成圍岸夫水行于地中未能洩積水而先成田圍以狹水道當春夏湍流浩急之時則水常湧行于田圍之上非止壞田圍且淹浸廬舍矣此不智之甚也欲乞朝廷指揮下兩浙轉運使擇智力了幹官員分布諸縣則不越數月其功可畢所有創橋疏通河港置蚪門利便制度不在規規而言也今所畫三州江湖溪海圖一本但可觀大略港瀆之名亦布其一二耳欲見其詳莫若下蘇常湖諸縣各畫溪河溝港圖一本各言某河某瀆通某縣某處俟其悉上合而爲一圖則纖悉若視于指掌之間也鏐又睹秀州青龍鎮有安亭江一條自吳江東至青龍由青龍洩水入海昔因監司相視恐走透商稅遂塞此一江其江通華亭及青龍夫籠截商稅利國能

有幾耶堰塞湍流其害實大又況措置商稅不爲難事竊聞近日華亭青龍人戶相率陳狀情願出錢乞開安亭江見有狀准本縣官吏未與施行近又訪得宜興西瀆湖有二瀆一名白魚灣一名大吳瀆洩瀆湖之水入運河由運河入一十四處蚪門下江其二瀆在塘口瀆之南又有一瀆名高梅瀆亦洩瀆湖之水入運河由運河入蚪門在吳瀆之南近聞知蘇州王覲奏請開海口諸浦鏐竊謂海口諸浦不可開今開之不逾時或遇東風則泥沙又合矣嘗觀考工記曰善溝者水嚙之善防者水淫之蓋謂上水湍流峻急則自然下水泥沙嚙去矣今若俟開江尾及疏吳江岸爲橋與海口諸浦同時興工則自然上流東下嚙去諸浦泥沙矣凡欲疏導必自下而上先治下則上之水無不疏若先治上則水皆趨下漫滅下道而不可施功力其勢然也故今治三州之水必先自江尾海口諸浦疏鑿吳江岸及置常州一十四處之蚪門築隄制水入江北與吳江兩處分洩積水最爲先務也然鏐觀合開三州諸

瀆港不必全籍官錢蓋三州之民憔悴之久人人欲開故半可以  
 資食利戶之力也今略舉其一二若開江尾疏吳江岸為橋遷吳  
 江岸東一村之民開地復為昔日之江置一十四處之斗門并築  
 一十四條隄制水入江開夾苾干白鶴溪白魚灣大吳瀆塘口瀆  
 宜興東蠡河則上非官錢不可開也若宜興之橫塘百瀆蘇州之  
 海口諸浦安亭江江陰之季子港春申港下港黃田港利港宜興  
 縣之塘頭瀆及諸縣凡有自古洩水諸港浜瀆盡可資食利戶之  
 力也莫若先下三州及諸縣鈔錄諸道江湖海一切諸港瀆溝浜  
 自古有名者及供上丈尺之料功力之費或係官錢或係食利私  
 力期之以施工日月同日開鑿同日疏放若或放水有先後則上  
 水奔湧東下衝損在下開浚未畢溝港以故須同日決放也或者  
 有謂昔人創望亭呂城奔牛三堰所以慮運河之水東下不制是  
 以制堰以節之以通漕運自熙寧治平閒廢去望亭呂城二堰然  
 亦不妨綱運者何耶鑄曰昔之太湖及西來眾水無吳江岸之阻

又一切通江湖海故道未嘗壅塞故運河之水常慮走洩入于江  
 湖之閒是以制堰以節之今自慶曆以來築置吳江岸及諸港浦  
 一切壅塞是以三州之水常溢而不洩二堰雖廢水亦常溢去堰  
 若無害今若洩江湖之水則二堰尤宜先復不復則運河將見涸  
 而糧運不可行此灼然之利害也又若宜興創市橋去西津堰蓋  
 嘉祐中邑尉阮洪上言監司就長橋東市邑中創一橋使運河南  
 通荆溪初開鑿市街乃見昔日橋柱尚存泥中咸謂古為橋于此  
 也又運河之西口有古西津堰今已廢去久矣且古之廢橋置堰  
 以防走透運河之水今也置橋廢堰以通荆溪則溪水常倒注運  
 河之內今之與古何利害之相反耶鑄以為古無吳江岸眾水不  
 積運河高于荆溪是以塞橋置堰以防洩運河之水也今因吳江  
 岸之阻眾水積而常溢倒注運河之內是以創橋廢堰見利而不  
 見害也今若治吳江岸洩眾水則運河之水再防走洩當于北門  
 之外創一堰可也其利害蓋如此也或又曰竊觀諸縣高原陸野

之鄉皆有塘圩或三百畝或五百畝爲一圩蓋古之人停蓄水以灌溉民田以今視之其塘之外皆水塘之中未嘗蓄水又未嘗植苗徒牧養牛羊畜放鳧雁而已塘之所創有何益耶鶚曰塘之爲塘是猶堰之爲堰也昔日置塘蓄水以防旱歲今日三州之水久溢而不洩則置而爲無用之地若決吳江岸洩三州之水則塘亦不可不開以蓄諸水猶堰之不可不復也此亦灼然之利害矣苟堰與塘爲無益則古人奚爲之耶蓋古之賢人君子大智經營莫不除害興利出于人之所未到後之人淺謀管見不達古人之大智顛倒穿鑿徒見其害而未見其利也若吳江岸止知欲便糧運而不知遏三州之水反以爲害又若廢青龍安亭江徒知不漏商旅之稅又不知反狹水道以遏百川今之人所以戾古者凡如此也鶚竊觀無錫縣城內運河之南偏有小橋出橋而南下則有小瀆瀆南透梁溪瀆有小堰名單將軍堰自橋至梁溪其瀆不越百步堰雖有亦不渡船筏梁溪卽接太湖昔所以爲此堰者恐洩運

河之水昔熙寧八年是歲大旱運河皆旱涸不通舟楫是時鶚自武林過無錫因見將軍堰旣不渡舟筏而開是瀆者古人豈無意乎因語邑宰焦千之曰今運河不通舟楫竊觀將軍堰接運河去梁溪無百步之遠古人置此堰瀆意欲取梁溪之水以灌運河干之始以鶚言爲狂終則然之遂率民車四十二管車梁溪之水以灌運河五日河水通流舟楫往來信夫古人經營利害凡一溝一瀆皆有微意而今人昧之也嘗見蘇州之茜涇昔范仲淹命工開導以洩積水以入于海當時諫官不知蘇州患在積水不洩咸上疏言仲淹走洩姑蘇之水蓋不知其利而反以爲害今茜涇自仲淹之後未復開鑿亦久堙塞鶚存心三州水利凡三十年矣每睹一溝一瀆未嘗不明古人之微意其閒曲折宛轉皆非徒然鶚今日之議未始增廣一溝一瀆其言與圖符合若非觀地之勢明水之性則無以見古人之意今并圖以獻惟執事者上之朝廷庶幾三州憔悴之民有望于今日也

貼黃

其圖畫得草略未敢進上乞下有司計會單鏢別畫

一先開吳江縣江尾茭蘆地

一先遷吳江沙上居民及開白蜆江通青龍鎮安亭江通海

一先去吳江岸土爲干橋

一先置常州運河斗門二十四所用石楔并築堤管水入江

一次開夾苜干白鶴溪白魚灣塘口瀆大吳瀆令長塘漏湖相連

走洩西水入運河下斗門入江

一次開宜興百瀆見今只有四十九條東入太湖

一次開蘇州茜涇白茅七鴉福山梅里諸浦

一次開江陰下江黃田春申季子竈子諸港

一次根究臨江湖海諸縣凡洩水諸港瀆並皆疏鑿

伍堰水利

昔錢舍人公輔爲守金陵嘗究伍堰之利雖知伍堰之利而不知

伍堰以東三州之利害鏢知三州之水利而未知伍堰以西之利害一日錢公輔以世所論伍堰之利害與鏢參究方知始末利害之議完也公輔以爲伍堰者自春秋時吳王闔閭用伍子胥之謀伐楚始創此河以爲漕運春冬載二百石舟而東則通大湖西則入長江自後相傳未始有廢至李氏時亦常通運而制牛于堰上挽曳船筏于固城湖之側又常設監官置廨宇以收往來之稅自是河道澱塞堰埭低狹虛務添置者十有一堰往來舟筏莫能通行而水勢遂不復西及遇春夏大水江湖汎漲則園頭王母龍潭三澗合爲一道而奔衝東來河之不治愈可見也今若開通故道而存畱銀林分水二堰則諸堰盡可去矣所欲存二堰者蓋本處銀林堰以西地形從東迤邐西下自分水堰以東地形從西迤邐東下而其河自西壩至東壩十六里有餘開洶之際須隨逐處地形之高下以濬之然後江東兩浙可以無大水之患然銀林堰南則通建平廣德北則通溧水江寧又當增修高廣以俟商旅舟船

往還之多可以置官收稅如前之利此伍堰之所以不可不復也  
今莫若治伍堰使上之水不入于荆溪而由分水銀林二堰直趨  
太平之蕪湖下治吳江之岸爲干橋使太湖之水東入于海中治  
百瀆之故道與夫蘇常湖三州之有故道旁穿于太湖者雖不可  
縷舉而概可以跡究也難者曰雖復伍堰奈何伍堰之側山水東  
下乎復堰無益也鍰答曰由伍堰而東注太湖則有宣歙池廣溧  
水之水苟復堰使上之水不入于荆溪其餘之水寧有幾耶比之  
未復十須殺其五六耳難者乃服

按宋神宗元豐間議興水利蘇文忠公知杭州上封事獻單鍰  
書史不概載且罹中丞李定舒亶劾奏非神宗決桑田之詠幾  
釀大禍矣蓋其時以蘇公見忌而豈有于錄鍰哉易曰屯其膏  
施未光也嗚呼南渡之治可以鑒矣

歸震川曰太湖入海之道獨有一路所謂吳松者顧江自湖口  
距海不遠有潮泥填淤反土之患爲民所占所以松江日隘昔

人別鑿港浦以求一時之利而松江之勢日失海口遂至壅塞  
豈非治水之過歟宜興單鍰著書爲蘇子瞻所稱然欲修伍堰  
開夾苳干瀆以截西來之水使不入太湖不知揚州藪澤天所  
以瀦東南之水也今以人力遏之夫水爲民之害亦爲民之利  
就使太湖乾枯于民豈爲利哉治吳之水宜耑力于松江松江  
旣治則太湖之水東下而餘水不勞餘力矣或曰禹貢三江旣  
入震澤底定吳地尙有東江婁江與松江爲三震澤所以入海  
非一江也曰張守節史記正義云一江西南上太湖爲松江一  
江東南上至白蠅湖爲東江一江東北下曰婁江本言二水皆  
松江之所分流水經所謂長瀆歷湖口東則松江出焉江水奇  
分謂之三江口者而非禹貢之三江大抵說三江者不一惟  
郭景純以爲岷江浙江松江爲近蓋經特紀揚州之水今之揚  
子江錢塘江松江並在揚州之境而松江由震澤入海經蓋未  
之及也由此觀之則松江獨承太湖之水其源近不可比擬揚

子江而深闊當與相雄長范蠡云吳之與越三江環之夫環吳越之境非岷江浙江松江而何則古三江並稱無疑故治松江則吳中必無他水之患然必令深闊與揚子江埒而後可言復禹之績也 按此以岷江松江錢塘江爲三江與蔡注不同更參之按太湖禹貢曰震澤爾雅曰具區左傳曰笠澤史記曰五湖皆此也五湖者張勃吳錄云周行五百里故名虞仲翔云東通長洲松江南通烏程霅溪西通義興荆溪北通晉陵溇湖東連嘉興韭溪水凡五道故謂之五湖按今湖中自有五湖曰茭湖莫湖游湖貢湖胥湖五湖之外又有三小湖梅梁湖金鼎湖東皋里湖總謂之太湖 宜興有三湖太湖溇湖洮湖洮湖又在溇湖西北義興記太湖射湖貴湖陽湖洮湖是謂五湖

進單錫吳中水利書

蘇軾

臣竊聞議者多謂吳中本江海太湖故地魚龍之宅而居民與水爭尺寸以故常被水患蓋理之當然不可復以人力疏治是殆不

然臣到吳中二年雖爲多雨亦未至過甚而蘇常湖三州皆大水害稼至十七八年今年淫雨過常三州之水遂合爲一太湖松江與海渺然無辨者蓋因二年不退之水非今年積雨所能獨致也父老皆言此患所從來未遠不過四五十年耳而近歲特甚蓋人事不修之積非特天時之罪也三吳之水瀦爲太湖太湖之水溢爲松江以入海海水日兩潮潮濁而江清潮水常欲淤塞江路而江水清駛隨輒滌去海口常通故吳中少水患昔蘇州以東官私船舫皆以篙行無陸挽者古人非不知爲挽路以松江入海太湖之咽喉不敢鯁塞故也自慶曆以來松江始大築挽路建長橋植千柱水中宜不甚礙而夏秋漲水之時橋上水長高尺餘況數十里積石壅土築爲挽路乎自長橋挽路之成公私漕運便之日葺不已而松江始艱噎不快江水不快輒緩而無力則海之泥沙隨潮而上日積不已故海口湮滅而吳中多水患近日議者但欲發民浚治海口而不知江水艱咽雖暫通快不過歲餘泥沙復積水患

如故今欲治其本長橋挽路固不可去惟有鑿挽路于舊橋外別爲千橋橋各二丈千橋之積爲二千丈水道松江宜加迅駛然後官私出力以浚海口海口既浚而江水有力則泥沙不復積水患可以少衰臣之所聞大略如此未得其詳舊聞常州宜興進士單鏐有水學故召問之出所著吳中水利書一卷且口陳其曲折則臣言止得十二三耳臣與知水者考論其書疑可施用謹繕寫一本繳進上伏望聖慈深念兩浙之富國用所恃歲漕都下百五十萬石其他財賦供餽不可悉數而十年九澇公私凋敝深可愍惜乞下臣言與鏐書委本路監司躬親按行或差強幹知水官吏考實其言圖上利害臣不勝區區謹錄奏聞伏候敕旨

單鏐字季隱宜興人錫之弟登嘉祐四年進士

蘇常湖

水道經三十年一溝一瀆無不周

己亥劉

不就官

獨乘一小舟徧歷三州  
覽考究著吳中水利書蘇軾知杭州時嘗錄其書進于朝不果行遂隱居不仕李公擇志其墓云才不竟于所用命不副于所

學後至明時夏原吉治水疏吳江水門濬宜興百瀆周忱撫吳修築溧陽二壩皆如鏐策鏐墓在頤山之右

吳中水利書終

右吳中水利書一卷宋單錡撰錡字季隱宜興人嘉祐四年進士  
宋神宗時浙西水患頻仍季隱登第不就官獨操一小舟徧歷蘇  
常湖三州水道經三十年一溝一瀆無不周覽著爲此書蘇軾知  
杭州錄其書進於朝不果行遂隱居不仕明夏原吉治水疏吳江  
水門濬宜興百瀆周忱撫吳脩築溧陽二壩皆如書所言自來水  
道不爲利卽爲害疏通則爲利淤闕則爲害季隱所言以救當時  
之弊明歸有光卽異其說迄今時閱千年高下異形淤通異勢舊  
法未可盡泥有通水學如季隱者探究源流較量狹闊古人之堰  
瀆詳考其所置之由今流之溝渠推究其所洩之路綜三州之大  
局而爲之決害去壅不惑浮言不惜鉅費必有大利於三州者卽  
天時有旱澇潮汐有衰盛未盡機宜隨時補救水旱之患或少瘳  
乎近年松江陳蓉曙太守修濬水利請撥官款以爲之倡而以民  
力助之卽季隱所云資食利戶之力不必全藉官帑也季隱之圖  
因草略未敢進上今圖學大行如用儀器測量繪圖貼說較有把

握敢以望之良有司光緒丁酉百花生日武進盛宣懷跋



譏

訛

誑

誑

目



首嗜好既篤網羅斯備日增月益晝誦夕思重之不以借人新若未嘗觸手耳目所及有虞監之親鈔子孫不忘多杜侯之手校表層樓而儷富託名山而共久不已盛乎若其剖析條流整齊綱紀則有目錄一卷甲乙丙丁之別可以類知一十百千之凡從于數舉僕雅竊通書之好每資餘燭之光猥辱話言屬爲序引研精覃思固不逮于揚雄單見淺聞復有慚于袁豹勉濡翰墨祗塵簡牘而已大末毛升平仲序

遂初堂書總目

經總類

周易類

尚書類

詩類

禮類

樂類

春秋類

論語類

孝經孟子附

小學類

正史類

編年類

雜史類

雜傳類

故事類

偽史類

國史類

本朝雜史

本朝故事

本朝雜傳

實錄類

職官類

儀注類

刑法類

姓氏類

史學類

目錄類

地理類

夷狄附各國史後

儒家類

雜家類

道家類

釋家類

農家類

兵書類

數術家類

小說類

雜藝類

譜錄類

類書類

醫書類

別集類

章奏類

一天文二曆議三五行四陰陽五卜筮六形勢

總集類

文史類

樂曲類

遂初堂書總目

遂初堂書目

梁溪尤袤延之

經總類

成都石刻九經論語孟子爾雅 杭本周易 舊監本尚書 京  
 本毛詩 舊監本禮記 杭本周禮 儀禮 舊監本左傳 杭  
 本公羊傳 杭本穀梁傳 舊監本論語 舊監本孟子 舊監  
 本爾雅 舊監本國語 高麗本尚書 江西本九經 六經圖  
 朱氏新定易書詩春秋古經

周易類

周易正義 晁氏古周易 呂氏古周易 吳氏古周易 程氏  
 古周易攷 乾鑿度 漢焦氏易林 漢京氏易傳 易緯 郭  
 璞洞林 易元包 關氏易傳 關氏洞極經 王弼窮微論  
 易髓 唐陸希聲易傳 周易元談 易外義 易啓元 易啓  
 源 易詮 李鼎祚易解 易舉正 易物象辨疑 陸希聲易  
 微旨 麻衣道者易 易索 皇甫右丞相易 大易粹言 劉

攷易傳 劉攷易數鉤隱圖 程氏易傳 繫辭精義 橫渠易說 游定夫易說 李都參同契 陳氏辨鉤隱圖 張弼易傳 了齋易說 朱子發易說卦圖 呂與叔易傳 許嵩老易傳 晁說之太極外傳 董氏易學 鄭氏易窺餘 鄭東卿易疑難圖 陳氏易傳 胡氏易演聖通論 歐氏童子問 錢述易說易斷 易疑問 李舜臣易本傳 李莊簡易說 李直院易解 程尚書易原 朱氏易本義 玉泉易解 張忠獻易誠齋易傳 程迴易章句 程迴古易傳 程迴易古占法 林黃中易傳 金華先生易辨疑 李氏易辨證 王存易解 齊博士易解 四李先生易解 易義海 易訓說 歸藏經 坤鑿度 周易通卦驗 卜子夏易傳 張弧解卜子夏易傳 晉干寶易解 魏管輅易傳 唐一行易集解 易龜圖 王文公易傳 蘇文忠易傳 楊龜山易傳

尚書類

古文尚書 尚書大傳 汲冢周書 三墳書 三皇書 續尚書 尚書正義 蘇氏書傳 葉氏書傳 吳氏書稗傳 九疇圖 胡氏書演聖論 呂氏書傳 程尚書禹貢圖論 尚書治要圖 王文公書傳 胡氏書傳 孫氏書傳

詩類

鄭氏詩譜 韓詩外傳 陸璣草木蟲魚疏 毛詩正義 唐成伯璣毛詩斷章 唐成伯璣毛詩指說 唐張敘詩別錄 宋咸毛詩正紀 歐陽氏詩本義 歐陽氏續詩譜 董氏詩攷 吳棫毛詩補音 裴氏詩集傳 橫渠詩說 范太史詩解 蘇黃門詩解 詩德義 朱氏集傳彙 陳少南詩解 張直父詩解 呂氏讀詩記

禮類

大戴禮 禮記正義 周禮疏 儀禮疏 陸右丞儀禮正義 呂與叔禮記解 李氏禮記精義 十先生中庸解 二郭中庸

說 龜山中庸解 胡安定中庸說 玉泉中庸大學 朱氏中

庸大學 四先生中庸大學解 陳祥道禮書 陸右丞禮書

禮論 禮記外傳 深衣制度 余氏井田王制圖 三禮義宗

聶崇義三禮圖 太平總要 周禮名數圖 呂與叔中庸再

解 江都集禮 唐開元禮 開元禮義羅 禮義鏡 五禮義

鏡 開元禮百問 五禮精義 禮閣新儀 續曲臺禮 杜氏

禮略 真禮 三禮駁議 開寶通禮 太常新禮 太常因革

禮 政和冠昏喪祭儀 政和五禮新儀 政和五禮新儀撮要

郊廟奉祀禮文 中興禮書 紹興禮器圖 古今家祭禮

四家禮範 二禮雅言 五禮考亡 續禮儀 廟議釋疑 朱

子發廟議 王普廟議 吳仁傑禘祫議 帝王經世圖譜 陸

右丞禮象圖 王文公周禮新經 李格非禮記精義

樂類 樂髓新經 古今樂錄 歷代樂議 樂苑 大樂令壁記 樂

本 大樂圖議 大樂指掌 三均手法 樂要 補亡樂書

樂府雜錄 樂府解題 樂府廣題 胡瑗樂議 皇祐廣樂

記 景祐廣樂圖記 皇祐景祐樂議 元豐大樂記 大晟樂

書 吳仁傑樂舞新書 琵琶錄 樂府古題要解 續樂府解

題 元祐樂議 元祐祀典樂歌 琴經 止息譜

春秋類

左公穀傳并釋文 國語 春秋決事比 春秋繁露 汲冢周

書 左氏膏肓 隋劉炫左氏述義 杜氏釋例 春秋公子

血脈譜 左氏正義 公羊正義 唐陸淳纂例 陸淳微旨

陸淳辨疑 唐陸希聲通例 春秋加減 唐盧仝摘微 春秋

名例 孫復尊王發微 鄒浩春秋邦典 春秋四譜 胡旦演

聖通論 劉氏權衡意林傳說例并全 孫氏傳 葉氏傳 蘇

氏傳 胡氏傳通例通旨全 崔氏傳本例要全 許嵩老傳

王文公左氏辨 春秋五代例宗 高柳崇傳 伊川程氏傳

遂勿堂書目

三

劉絢春秋學 王彥光集傳 朱長文通志 畢良史正辭 王

鑑門例通解 張忠獻春秋說 林栗集傳 程迥顯微例目

蕭子荆春秋經辨 洪忠宣春秋記詠 春秋列國諸臣傳 左

氏事類 春秋經傳類賦 春秋年表 名號歸一圖 春秋總

論 春秋會義 春秋穀梁正義

論語類 孝經孟子附

古文孝經 鄭玄注孝經 唐明皇注孝經 司馬溫公古文孝

經指解 范太史古文孝經解 蔡子高注孝經 孝經疏 孔

子家語 古注孝經論語 晉欒肇論語駁 梁皇侃論語疏

論語正義 韓文公論語筆解 宋咸增注論語 王逢原語孟

解 程氏語孟說 龜山論語解 頴濱論孟拾遺 五峰論孟

指南 晁以道論語講義 許嵩老論語訓詁 張南軒論語說

王居正論語感發 吳才老論語續解并考異 尹和靖孟子

解 語孟集義 王元澤論語解 濡石論語解 葉氏論語釋

言 史丞相論語口義 王信伯論語解 七家孟子講義 蘇

文忠論語傳 呂與叔論語解

小學類

郭璞注爾雅 孫炎注爾雅 孔鮒小爾雅 晉張揖博雅 陸

佃埤雅 爾雅正義 呂忱字林 劉熙釋名 揚雄方言 吳

頌夷義訓 舊監本許氏說文 徐鍇說文 急就章注 開元

文字音義 五經文字 九經字樣 陸德明經典釋文 羣經

音辨 顏之推正俗音字 干祿字書 郭氏佩觿 王氏引經

字說 字說解 字說分門 玉篇 廣韻 分韻玉篇 類篇

四聲韻類 聲韻類例 龍龕手鑑 班書韻編 徐鍇說文

篆韻 古篆韻 夏英公古文韻 王氏續古文韻 鐘鼎千文

張有復古編 纂注韻 隸釋 隸續 隸韻 韋昭辨釋名

吳棫韻補 張有重編韻譜 王元澤諸經爾雅

正史類

川本史記 嚴州本史記 川本前漢書 吉州本前漢書 越  
 州本前漢書 湖北本前漢書 川本後漢書 越本後漢書  
 川本三國志 舊杭本三國志 舊杭本晉書 川本晉書 舊  
 本南史 舊本北史 宋書 南齊書 梁書 陳書 魏書  
 北齊書 後周書 舊杭本隋書 舊杭本舊唐書 川本小字  
 舊唐書 川本大字舊唐書 舊五代史  
 編年類

竹書紀年 袁宏後漢紀 晉陽秋 晉春秋 魏典 宋略  
 梁太清紀 唐曆 大統略 馬總通曆 續通曆 古今通要  
 稽古錄 續稽古錄 累代歷年 歷年圖 紀年通譜 續  
 紀年通譜 編年通載 帝王全要 晁氏紀年 歷代年運  
 疑年譜 古今年號錄 通鑑外紀 五代開皇紀 川本小字  
 通鑑 川本大字通鑑 通鑑目錄并考異 通鑑舉要曆 通  
 鑑釋文 通鑑紀事本末 荀悅漢紀 帝王要略 續帝王寶

運錄 兩朝編年 通鑑前例

雜史類

古史 高氏小史 舊杭本戰國策 遂初先生手校戰國策  
 姚氏本戰國策 鮑氏注戰國策 戰國策補注 越絕書外傳  
 東觀漢紀 春秋後語 帝王世紀 九州春秋 吳越春秋  
 嫗吳春秋書 北齊史略 大業拾遺記 大業雜記 煬帝  
 開河記 隋季革命記 唐創業起居注 貞觀政要 平陳記  
 太宗建元事跡 高宗承祚寶錄 開天傳信記 明皇雜錄  
 開寶遺事 明皇幸蜀記 明皇編遺錄 天寶西幸略 唐  
 補紀 東觀奏記 唐補史 唐闕史 乙卯記 甘露野史  
 唐中興新書紀年 彭門紀亂 薊門紀亂 邠志 燕南記  
 妖亂志 建中河朔記 河洛春秋 河洛記 江淮紀亂 天  
 祚承歸記 平蔡錄 奉天錄 方鎮錄 貞陵遺事 開成承  
 詔錄 唐年小錄 異域歸忠傳 元和朋黨錄 太和辨謗錄

汴水滔天錄 金鑾密記 唐末汎聞錄 傳載 會昌伐叛  
 記 咸通解圍錄 五代史補 五代遺錄 新野史 五代史  
 關文 天下大定錄 入洛記 莊宗召禍記 范質石晉陷蕃  
 記 越絕書 三國典略 續小史 吳兢唐書備闕記 河南  
 記 唐國史纂異

故事類

唐朝綱領圖 元和國計錄 唐國鏡 歷代宮殿名 文宗朝  
 備問 卓絕記 續卓絕記 文場盛事 賓佐記 景龍文館  
 記 唐選舉志 唐登科記 五代登科記 本朝登科記 皇  
 族登科記

雜傳類

穆天子傳 王子年拾遺記 漢武故事 漢武內傳 西京雜  
 記 梁四公記 趙飛燕外傳 楊太真外傳 則天外傳 牛  
 羊日曆 漢刁閒傳 唐柳氏敘訓 兩朝獻替記 中樞龜鑑

郭汾陽家傳 李鄴侯家傳 相國事狀 彭城公故事 杜  
 棕歷官錄 許國公勤王錄 列女傳 文士傳 高士傳 正  
 始名士傳 襄陽耆舊傳 會稽先賢傳 孝史 會稽先賢贊  
 三相遺事 昭義記室別錄 零陵先賢傳 高力士外傳  
 楊貴妃遺事 梅妃傳 中朝故事 李靖行狀 狄梁公家傳  
 顏魯公行狀 顏魯公歷官狀 顏常山別傳 段太尉別傳  
 陶隱居傳 彭城公遺事 杜棕事跡 燕吳行役記 江淮  
 異人傳 別本高士傳

偽史類 夷狄附各國史後

華陽國志 和苞漢趙記 十六國春秋 三十國春秋 江表  
 志 十國紀年 十國載記 五國故事 九國志 三楚新錄  
 吳越會粹 淝上英雄小錄 燕書 蜀記 劉氏興亡錄  
 楚錄 南唐書 釣磯立談 蜀構杌 江南野史 南唐近事  
 錢鏐備史 天下大定錄 海東三國通錄 蜀書

國史類

三朝國史 兩朝國史 四朝國史 神宗國史 哲宗國史

官職一冊 泰陵國史臣傳彙 李秀巖國史臣傳彙 史館修

四朝臣傳彙 續通鑑長編 續長編舉要并考異 國紀 東

朝事略 九朝通略 編年全要 聖政編年 兩朝寶訓 三

朝寶訓 仁皇訓典 君臣政要 神宗聖訓 高宗聖訓 孝

宗聖訓 徐燾紹興聖政寶鑑 趙善防孝宗政要贊 五朝隆

平集 國朝事實 國朝撮要 分門要覽 太平盛典 兩朝

編年 祖宗故事 泰陵玉牒 元祐七年八年日曆 熙寧日

曆草 裕陵中書時政記 裕陵密院時政記 神宗御批 神

宗學士院御批 濮議 元符時政記 永熙寶訓 元祐詔旨

哲宗寶錄辨誣 黨人記 紹聖指揮 元符紹聖閒筆錄

元祐建中宮錄 瑤華廢復記 元符行遣節目 宣仁日曆

宣仁事實 紹聖錄 符建錄 崇寧錄 靖康雜錄 皇祐平

蠻錄 甘陵誅叛錄 征南錄 平蜀錄 邇英記注 欽宗與

吳敏御筆 北征紀實 兩國交聘書 大觀詔令 中興日曆

中興記 崇寧行遣上書人指揮 建炎龍飛記 趙丞相扈

從錄 元帥府事實 復辟詔冊 張參政省記 建炎時政并

元帥府事跡 權邦彥記聖語 巫伋記聖語 孫近李光等記

聖語 張浚王陶等省記時政 祈晴語錄 回鑾事實 紹興

雜錄 岳侯斷案 錢處和通好事節 呂源增釋故事 御製

蔡確傳 錢處和淮東宣諭錄 丙午錄

本朝雜史

建隆遺事 祖宗獨斷 温公記聞 温公朔記 儒林公議

王文公日錄 曾子宣日錄 續逸史 蔡條國史後補 蔣穎

叔逸史 林子中野史 蔣穎叔日錄 續温公齊記 曾子宣

正論 王巖叟繫年錄 錢文僖筆錄 錢文僖逢辰錄 趙康

靖日錄 王巖叟朝論偉論 温公日錄 呂正獻手記 歐公

日記 溫公瑣語 王文公日錄遺彙 王文公送伴錄 王陶  
東宮記事 歐公奏事 曾南豐雜識 呂吉甫日錄 曾子宣  
手記節略 文潞公私記 李深之手記 范太史史院問目  
永樂城事 陳瑩中尊堯集 北狩野史 北狩行錄 痛憤錄  
靖康京城事實 背盟本末 吳敏靖康紀事 北狩聞見錄  
禍胎記 沈程南歸錄 華夷直筆 亡遼錄 靖康夜話  
朝野僉言 幼老春秋 入燕錄 史略 避戎錄 北記 金  
國文具錄 平江錄 亂華編 小心鏡只欽廟一朝 中興遺史  
中興小律 維揚過江錄 順昌破敵錄 淮西從軍記 宣幙  
紀事 鼎澧聞見錄 渡江遭變錄 辛巳叛盟錄 回天錄  
紹興瀘南兵變錄 瀘南賤天錄 泣血錄 泣血拾遺 痛定  
錄 內禪錄 陷燕錄 順昌紀事  
本朝故事  
中書備對 蜀公事始 近事會元 元圭議 鑄錢故事 浸

銅要略 慶曆軍錄 邇英要覽 元祐講筵謝御書表 元祐  
東宮錫極錄 政和曲燕記 誕聖錄 溫公河外諮目 濮議  
墨守 皇祐平蠻記 裕陵五使長牋 建中靖國進故事 涇  
原分將論列 元祐分疆錄 元祐棄地復地本末 青唐錄  
隴右錄 沈黎備邊錄 富文忠青州振濟錄 皇親故事 華  
戎魯衛信錄 戴斗奉使錄 寇城奉使錄 王介父送伴錄  
皇祐會計錄 慶曆會計錄 元祐會計錄 張芸叟使遼錄  
治平經費節要 淳熙國計錄 錢秦魯長主俸賜錄 乾道國  
用司月給數 淳熙七年財用錄 戶部諸道歲收數 左藏兩  
庫約支 至和發運茶鹽須知 國朝運糧數 熙寧發運司事  
目 國用司錢米會子出納數 景德皇祐祈雨詔書 四川宣  
撫司財賦兵馬數 廣開隨志 利路營田事目 張貴謨坑冶  
利害 王渥川奏馬政邊防錄 慶曆編類勳臣姓名錄 淳熙  
明堂大享慶成詩 富弼奉使錄 奉使別錄 劉原父奉使錄

福建盜賊須知 淮西措置事宜 兩鎮還山書稿

本朝雜傳

本朝名臣言行錄 名賢遺範錄 王文正家錄 富文忠家傳

范文正遺事 張齊賢家傳并志 呂文靖事狀 呂文穆綸

告行狀 丁晉公雜錄 歐公履歷告命 韓魏公家傳別錄遺

事追榮考德棠集 呂正獻十事 唐質肅遺事 韓魏公事實

韓莊敏遺事 申國春秋 了齋言行錄 豐相之遺事 范

太史家傳并遺事 韓儀公行狀 孫溫靖告并神道 龔原行

狀 晁以道家傳 山谷家乘 周穉行狀 范忠宣言行錄

劉元城言行錄 胡安定言行錄 王棣家傳 王岐公家辨誣

邢恕自辨錄 章申公家辨誣 張叔夜勤王記 陳規德安

守城錄 滕公守台錄 陳東事實 趙元鎮自述 向伯恭行

狀 滕茂實大節集 陳剛中家傳 中興忠義錄 南軒行實

胡安定五峰行實 梁丞相行實 史彌大言行錄 劉元城

家傳神道碑 范覺民事實 晏敦復行錄 王文正遺事 寇

萊公遺事 張芸叟南遷錄 葉少蘊自序并制誥錄 游師雄

事跡 趙元鎮事實 陳樂閒事實 陳了齋自撰墓志并序

呂元直遺事 勤王記 逢辰記 王沂公言行錄 張忠定語

錄 安厚卿行實 張右史事實 劉拯行錄 邢恕行實

實錄類

建康實錄 唐十五帝實錄 唐懿祖獻祖紀年錄 梁太祖實

錄 漢高祖隱帝實錄 唐莊宗明宗實錄 廢帝愍帝實錄

晉高祖少帝實錄 周太祖世宗實錄 太祖皇武紀 重修太

祖實錄 太宗實錄 眞宗實錄 仁宗實錄 英宗治平紀要

神宗實錄 朱墨本神宗實錄 紹興重修神宗實錄 重修

哲宗實錄 蔡卞所修哲宗實錄 重修徽宗實錄 欽宗實錄

孝宗起居注

職官類

卷之...

應仲豫漢官儀 漢官制 漢官舊儀 劉貢父漢官職選 歷代官號 唐六典 唐典百官職紀 唐任職官品纂要 唐杜英師職核 唐百司舉要 唐錄令 職官要錄 職官分紀 職林 唐職林 職官源流要錄 唐典備對 皇宋百官圖 官職舊典 官職沿革 官職正誤 職官紀 温公官制學制 遺稟 本朝官制 官制新典 官制格目 三省總括 具員故事 淳熙裁減舉員數 契丹官儀 金國大定官制 掖垣 纂志 集賢注記 唐翰林志 本朝翰林續志 金坡遺事 翰林舊規 又雜志 金馬統志 翰林盛事 學士年表 翰院羣書 文昌雜錄 史館故事 唐御史臺記 御史臺故事 御史臺因話錄 御史臺記事 直廳雜儀 合班儀 本朝重定合班儀 臺儀 咸通御史臺板榜 開運出入儀 本朝御史臺記 館閣錄 中興館閣錄 翰林雜鈔 三司條約 熙寧番官陳院編救 續史館故事 元祐戶部格目 蓬山志

麟臺故事 縣務綱目 呂觀文治縣法 江左諸鎮年表 歷代宰相年表 宰輔拜罷表 宰相樞府拜罷表 宰相拜罷編年總括 管軍年表 皇朝百官公卿表 中興百官題名 宰輔年表

儀注類

漢舊儀 漢蔡邕獨斷 崔豹古今注 服飾變古元錄 顏魯公歷古創儀制 馬縞中華古今注 漢制纂錄 皇朝太常儀注 閣門儀注 本朝儀物 唐郊祀錄 本朝歲祀總數 朝制要覽 南郊式 宣和鹵簿圖 宇文粹中修鹵簿圖 元祐建中宮記 六家諡法 王彥威續諡法 皇朝諡錄 尊號錄 唐鄭餘慶書儀 江亭記 唐孟詵徐潤家祭禮 孫氏仲享儀 司馬氏書儀 呂氏鄉約鄉儀 六家祭儀 高氏厚終禮 朱氏十書 元祐納后儀 永昭永穆陵儀 國朝明堂紀要 州縣祠儀 寢祀儀 紹興明堂儀注 紹興郊祀大禮儀注

紹興藉田儀注 紹興四孟朝獻儀注 紹興祀高禩儀注  
紹興上皇太后冊寶儀注 紹興中宮受冊儀注 紹興大朝會  
儀注 王涇郊祀錄

刑法類

刑統 律文 開元格并律令 唐式 開寶格 天聖令 元  
符敕令 熙寧番官陳院編敕 吏部七司法 七司式 大  
觀中書敕令格式 政和中書門下敕令格式 乾道重修三省  
密院敕令格式申明 官誥院一司條格 常平役法 淳熙常  
平茶鹽敕令 建炎元年以後續降錄 紹興二十七年至三十  
一年春頒隆興元二年頒 條令總類 金科類要 養賢錄  
金國刑統 金國須知 折獄龜鑑 明刑盡心錄 金科易覽  
士民指掌 檢驗法 中書條例格式 熙寧大理寺斷例  
姓氏類  
元和姓纂 十史姓纂 千姓編 宋何承天姓苑 古今姓氏

書 姓源韻譜 梁元帝古今人同姓名錄 唐孔至姓氏雜錄  
唐百家類例 唐李利涉編古命氏錄 諱行錄 警年錄  
仙源積慶圖 本朝宗室圖譜 闕里譜系 孔子編年家譜  
東家雜記 本朝人物志 皇朝百族譜 紹興臣僚類姓 三  
院呂氏世譜 胡氏世譜 陶氏世譜 東平劉氏世譜 趙清  
獻家譜 尤氏世譜 玉牒行樓 唐皇孫郡王譜 大唐氏族  
志 宰相甲族 十四家貴族譜 唐邱光庭古賢姓名相同錄  
帝王世系

史學類

史記音義 史記正義 史記索隱 集注天官書 前漢考異  
蕭該漢書音義 漢書句字 三劉漢書 漢書問答 漢書  
講解 律曆辨疑 劉氏兩漢刊誤 唐書音訓 唐書糾繆  
唐書直筆 唐書新例須知 集校兩漢書 劉知幾史通 劉  
餗史例 邵忠史例 趙彥若史例論 通鑑問疑 兩朝實錄

例 歷代史贊 兩漢博聞 荀悅漢紀節要論 兩漢補遺  
王遇漢儀 漢雜事 東漢質疑 唐書手鈔 范太史唐鑑  
石守道唐鑑 孫之翰唐論 胡氏讀史管見 通鑑入約 程  
迴文史評 了齋約論 史記法語 兩漢法語 班史菁華  
班左誨蒙 漢雋 班史名物編 東漢年表 晉書音義 史  
記析微 五代史纂誤

目錄類

唐藝文志 唐母隄古今書錄 梁阮孝緒七錄 經史品題  
羣書備檢 皇祐祕閣書目 皇祐史館書目 崇文總目 祕  
閣四庫書目 嘉祐永遺書目 中興館閣書目 鄱陽吳氏書  
目 李邕鄆書目 邯鄲圖書志 廣川董氏藏書志 葉石林  
書目 川中書目 趙氏金石錄 皇祐碑籍 川郡金石錄  
諸道碑目 京兆金石錄 歐陽氏集古錄 晉陽王氏碑目  
浯溪古今刻集錄 資古紹志錄 祕閣書畫器物目 內府碑

錄 重修唐書碑目

地理類

祕閣本山海經 池州本山海經 郭璞山海經圖贊 水經  
神異記 十洲記 三輔黃圖 關中記 豫章古今記 鄴城  
記 鄴都故事 吳地記 東京新記 梁顧野王輿地記 兩  
京新記 南朝宮苑記 南方異物志 晉嵇含南方草木狀  
張肫三齊記 城冢記 唐列聖園陵記 十道四番記 皇華  
四達記 元和郡縣圖志 坤元錄 山水志 唐四夷朝貢錄  
兩京道里記 唐夷狄貢錄 洛陽伽藍記 黃恭廣志 太  
平寰宇記 皇朝九域志 輿地廣記 地理指掌圖 唐沈懷  
遠南越志 武夷諸山記 青溪山記 潮說 北戶雜錄 唐  
王休榑番陽志 唐李德裕西南備邊錄 陸廣微吳地記 金  
陵六朝事跡 魏瀨鄉記 唐太清宮簡要記 張氏燕吳行役  
記 唐房千里投荒雜錄 蜀程記 峽程記 李重導河形勢

書 姑蘇水利 范文正公堰記 江行圖 東京志 洛陽志  
長安志 相臺志 夢華錄 洛陽名園記 吳船錄 舊本  
鄭州圖經 舊本杭州圖經 建康志 襄陽志 成都志 成  
都古今記 嘉禾志 章貢志 東陽志 舊越州圖經 新修  
紹興圖經 新安志 同安志 浦陽志 延平志 秦州圖經  
盱江志 秋浦志 荆門志 嚴州圖經 閩中志 姑孰志  
天台圖經 常州圖經 毘陵風土記 江西諸郡圖經 無  
錫志 宜興志 豫章職方乘 又續乘 道州圖經 台州三  
縣志 長沙志 鎮江圖經 豫章古今志 春穀志 長樂志  
江陰志 潘洞常州圖經 吳郡續圖經 衡州圖經 括蒼  
志 郴州志 岳陽風土記 秦州志 天台山圖 丹邱仙迹  
洞庭譜記 南岳小錄 會稽洞天記 南岳尋勝錄 又總  
勝錄 羊角山記 黃真觀記 平都山仙都觀記 湘川記  
廬山記 九疑考古 徽州黃山圖經 大滌洞天眞境錄 天

台小錄 霍山記 九華錄 三茅記 江夏辨疑 封州圖經  
汪王事實 張王顯應事實 嶺外代答 邕管雜記 嶺表  
錄異 雲南志 皇祐平蠻記 互市諸蠻記 廣東西會要  
西南諸蕃記 邕管溪峒雜記 泉南記 鄧嘉猷西南備邊志  
李仁甫論西南夷事 契丹機宜通要 契丹事迹 燕京會  
要 契丹實錄 契丹疆宇圖 契丹朝獻禮物例 契丹志  
燕北錄 慶曆奉使錄 匈奴須知 北志 契丹須知 張浮  
休使遼錄 趙志忠陰山雜錄 契丹會要 西夏雜記 西戎  
聚米圖經 西夏須知 女眞實錄 范仲熊北錄 評議虜中  
錄 征蒙記 雜記金國事 虜都驛程圖 松漠紀聞 鄭汝  
諧聘燕錄 燕北金疆地里記 雞林類事 高麗行程錄 高  
麗日本傳 高麗圖經 西州使程經 蕃爾雅 蜀爾雅 北  
虜方言 政和大理國入貢記 梁二十八國職貢圖 湘中山  
水記 續南荒錄 續廬山記 豫章舊圖經 江州舊圖經

綠林度辭 金國世系 至道雲南錄

儒家類

曾子 晏子春秋 晏子內外篇 孟子 荀子 孔叢子 揚  
 子法言 陸績注太元經 集注太元 許嵩老法言訓詁 白  
 虎通 王符潛夫論 仲長統昌言 荀悅申鑒 鹽鐵論 劉  
 向新序 劉向說苑 唐劉蛻續說苑 陸賈新語 賈誼新書  
 魏徐幹中論 齊顏之推家訓 隋李文博中興書 帝範  
 臣範 虞世南帝王略論 楊相如君臣政理論 牛希濟理源  
 文中子中說 龔輔之注中說 薛氏注元經 唐林慎思續  
 孟子 晉楊方五經鈎沈 唐朱敬則十代興亡論 魏蔣濟萬  
 機論 魏鄭公時務策 唐劉迅六說 唐李恕己誠子拾遺  
 杜佑理道要訣 帝學 何亮本書 黃晞聲隅子 周子通書  
 周子太極圖 南軒太極圖解 朱子通書太極圖解 正蒙  
 書 劉原父七經小傳 劉原父子記 二程先生遺書 邵

康節皇極經世 呂榮陽雜說 治道中術 刁衍本說 儒志

張芸叟卮言 張子前書 張子志書 王觀天鬻子 范蜀

公正書 黃君俞泉書 伊川經解 師說 龜山經說 三經

義辨 九經餘義 日錄字說辨 諸儒名道集 陳無己理究

橫渠語錄 橫渠理窟 呂氏雜說 節孝先生語 上蔡語

錄 劉元城語錄 劉元城談錄 元城道護錄 洙泗言仁說

龜山語錄 河南雅言 張無垢心傳語附錄 胡氏傳家錄

涪陵記善錄 司馬溫公家範 呂氏童蒙訓 子家子 程

氏廣訓 林子誨語錄 呂伯恭闡範 劉清之訓蒙 孝弟類

鑒 女誠 廣川家學 修學門庭 余氏至言 程尚書極書

石林審是錄 范氏正蒙 省心雜言 程尚書考古編 四

注法言 司馬溫公注法言 御製承華要略 御製正說 邇

英聖問 觀文鑒古圖

雜家類

呂氏春秋 管子 商子 慎子 韓非子 子華子 鄧析子  
董子 魯連子 鬼谷子 燕丹子 墨子 公孫龍子 尸  
子 尹子 劉子 傅子 殷子 孫子 淮南子 炙轂子  
風俗通義 王充論衡 魏劉邵人物志 金樓子 梁庾仲容  
子鈔 馬總意林 忠經 唐羅隱兩同書 顏師古刊謬正俗  
李涪刊誤 資暇集 蘇氏演義 唐邱光庭兼明書 程氏  
演繁露 隋李文本博中興書 古今語要 唐趙蕤長短要術  
造化權輿 李氏雜說 敷陽子 諸子談論 賈公餗山東  
野錄 洪氏雜家 羅隱讒書 尹文子

道家類

古文老子 王弼注老子 傅奕老子音義 漢安邱注老子  
嚴遵老子指歸 晉孫盛老子攷訊 唐明皇注老子 唐陸希  
聲老子指解并問答 三十家注老子 賈清夷老子疏 王顧  
老子疏 老子藏室纂微 李榮注老子 陳鼻解老子 李昉

老子音解 達真子老子解 司馬溫公老子解 蘇黃門老子  
解 王元澤老子解 呂惠卿老子解 毛達可老子解 王懋  
才老子解 列子 莊子 文子 徐靈府注文子 朱弁注文  
子 亢倉子 王士元注亢倉子 鵠冠子 陸右丞注鵠冠子  
關尹子 天隱子 抱朴子內外篇 元真子 唐吳筠元綱  
論 无能子 觀妙經 紫府元珠 潘凱二化論 周朴天道  
論 杜光庭大寶論 莊子邈 宋齊邱化書 赤松子中論經  
張融理同論 劉向列仙傳 續仙傳 葛洪神仙傳 高道  
傳 仙苑編珠 周氏冥通記 洪厓先生傳 真系傳 許先  
生傳 疑仙傳 陳真人傳 唐吳簡傳 西山十二真君列傳  
徐神翁語錄 王雲中內傳 杜光庭錄異記 福地經 洞  
天經 湖湘顯異 青城山靈異記 瀨鄉記 唐太清宮簡要  
記 祥符奉迎聖像記 楊希文注黃庭經 神景內經 皇極  
系述黃庭經 參同契 西山羣仙會真記 中皇真經 參同

肘後方 頴陽記 石藥爾雅 爐術本草 靈芝記 參同分  
章通義 登真隱訣 雲笈七籤 道樞 上清文苑 靈仙賦  
集 毛仙翁詩 大小遊仙詩 古今道德經 河上公注道德  
經 王弼老子略論 老子枕中經 莊子疏 御注道德經  
孫盛老子糾 真誥 胎息經 黃庭內景經 密語 聶真人  
傳 樂史洞仙集 傅仙師傳 江西續仙錄 侯真人傳 三  
教解紛論 正性論 元道真經 九轉合同要義 混元經  
青城山雜錄 大丹法 太元寶典 許真君如意方 鍾離真  
人靈寶畢法

釋家類

金銀字傅大士頌 金剛經 六祖金剛經解義 王荆公注金  
剛經 華嚴經 楞嚴經 圓覺經 楞嚴經疏 圓覺經疏  
維摩經疏 六祖壇經 正法眼藏 馬祖四家錄 笑道論  
非韓論 萬善同歸 原人論 弘明集 廣弘明集 通明論

佛教總年 佛運統紀 僧寶傳 續僧寶傳 僧史 僧史  
略 高僧傳 法藏碎金錄 裴休問源禪師承襲圖 宗門統  
要 釋氏要覽 祖庭事苑 釋氏六帖 傳燈錄 臨濟語錄  
雲門語錄 勇禪師語錄 普融禪師語錄 詔國師語錄  
諸祖偈頌 龐居士詩 寒山詩 大慧武庫 林閒錄 芙蓉  
般陽集 北山錄 端禪師語錄 無住語錄 釋梵 雪竇語  
錄 近世尊者語錄 古塔主語錄 晁文元耄智餘書 道院  
集要 禪源諸詮 風穴語錄 謝陽以下二十二家語錄 德  
仙語錄 曹洞語錄 長蘆覺語錄 法雲語錄  
農家類

夏小正 唐月令 唐注月令 四時纂要 齊民要術 千金  
月令 韋氏月錄 荆楚歲時記 秦農要事 鄙記 四民福  
祿論 李邕金谷園記 玉燭寶典 山居忘懷錄 歲時廣記  
范如圭田書 林勳本政書 曾安上禾譜 農器譜 錦帶

書 輦下歲時記

兵書類

司馬法 太公兵法 黃石公三略 孫子 吳子 尉繚子

李靖集太公兵法 李衛公兵法問答 七書 十一家注孫子

杜牧之注孫子 風后握機 風后握機贊 黃后陰符經

黃石公素書 八陣法 諸葛亮將苑 諸葛亮十六策 太白

陰經 真人水鏡 古今兵要 武經總要 郭元振安邊策

李光弼統軍祕策 御戎要訣 劉暎平燕策 劉牧平戎策

神機武略 武略清邊 重修武經總要 千古兵要 唐李筌

閩外春秋 呂夏卿唐兵志 何博士備論 神武祕略 百將

傳 兵法精義 慶曆軍錄

數術類 一天文二曆議三五行 四陰陽五卜筮六形勢

甘氏星經 張華列象圖 周髀經 別本甘氏經 天文機要

圖 天象賦 星經簿讚 仰視纂微 錦囊書 步天歌 宋

濤天文書 皇朝天文書 姚令威注天官書 集注天官書

紹聖儀象法要 銅壺漏編 刻漏規矩 官曆刻漏圖 青

羅妙度曆 四曆剝蝕考 十二曜細行曆 景祐乾象新書

七政曆要 開元大衍曆議 長慶宣明曆 紀元曆經 崇天

曆經 康定轉神曆 熙寧奉元曆 元祐觀天曆 黃若只議

紀元曆書 林永叔曆學 大衍宣明真元欽天 奉天儀元崇

真明 天官觀天曆草 吳氏荆璞集 王普荆璞指瑕 金國

大明日曆 高麗日曆一卷 洪範政鑒 感應類從志 譙子

五行志 三鏡篇 握鏡圖 東方朔書 李淳風乙巳占瑞錄

太乙數 太乙分野節要 太乙金鏡 太乙福應經 太乙

王佐祕書 顧野王符瑞圖 李淳風運元方道 黃帝祛惑經

乙酉式 遁甲符應經 萬勝篇 遁甲決勝歌 員卓專征

賦 遁甲式心 入遁式歌 遁甲南經 三元賦 遁甲兵機

舉要 遁甲立成 萬一訣 京房易算積法 京房周易律曆

地鑑經 彈冠必用 焦氏易林 周易卦氣占驗法 黃

石公靈棋經 越覆書 六壬祕旨 六壬洞元傳 百章歌

通微要式 六壬證疑 課鈴 民望經 六壬心鑑 玉曆

六壬破迷經 六壬元髓經 六壬黑殺經 五行要略 聚金

口訣 鬼谷子玉函經 地理賦 相書 土圭法 司馬經

太乙訣 司天經 京氏易占 銀河局祕訣

小說類

世說 續世說 劉孝標俗說 殷芸小記 世說新語 世說

敘錄 封氏見聞志 摭言 大唐新語 顏之推八代談藪

楊松玠談藪 朝野僉載 僉載補遺 盧子逸史 紀聞談

抒情集 三水小牘 洛陽舊聞 柳氏舊聞 窮愁志 柳氏

家學要錄 杜陽雜編 尚書故實 常侍言旨 秀師言記

嵐齋集 元真子偈 松窗錄 盧氏雜說 佐譚 唐朝新纂

廬陵官下記 灌畦暇語 觀時集 因話錄 雜纂 劇談

錄 雲溪友議 談賓錄 龍城錄 幽閒鼓吹 玉泉筆端

醉鄉日月 雲仙散錄 祕閣閒談 戎幙閒談 南唐近事

祕閣雅談 漢隋遺錄 教坊記 北里志 鑒誠錄 五代新

說 林下談笑 李文公談錄 張文定同歸小說 太平小說

楊文公談苑 李文正談錄 丁晉公談錄 王文正筆錄

國老閒談 春明退朝錄 東齋記事 歐陽歸田錄 孔毅父

田錄 李圭復紀聞 嘉祐雜志 宋景文筆記 歐公筆錄

王彥輔塵史 道山新聞 南部新書 南部煙花錄 星江野

錄 漫浪野錄 該聞錄 隨手錄 東臯雜錄 東野筆錄

湘山野錄 玉壺清話 談圃 傅公嘉話 沈氏筆談 沈氏

續筆談 龍川別志 龍川略志 碧雲暇 釋稗 涑水紀聞

青箱雜記 青瑣高讓 百一紀 師友談記 甲申雜錄

張子賢墨莊穴錄 張芸叟貽訓 畫墁錄 張芸叟野語 晁

氏談助 曲洧舊聞 漫堂隨節 蒙齋筆談 金鑾退朝錄

侯鯖錄 春渚紀聞 倦遊錄 西齋話記 呂氏家塾廣記

呂氏紫微雜說 曾南豐雜志 閒談錄 五總志 王性之默

記 青瑣摭遺 吳氏漫錄 墨客揮犀 東坡雜說 脞說

談藜 方氏泊宅編 石林燕語 石林避暑錄 胡珵蒼梧雜

志 楊迴金淵書 萍洲可談 南齋雜錄 章深稿簡贅筆

王氏學林 南遊記舊 楊彥齡筆錄 韓易見聞異辭 陶朱

雜錄 閒燕常談 南窗記談 徐敦立卻埽編 桐陰舊話

姚令威藪話 趙彥從肯綮錄 林下放言 獨醒雜志 遽然

先生雜說 朱丞相秀水閒居錄 朱新仲雜志 吳箕常談

容齋隨筆 王明清投轄錄 揮塵錄 呂氏雜鈔 軒渠錄

張華博物志 任昉述異記 海物異名記 梁吳筠續齊諧記

西陽雜俎 補江總白猿傳 洞山集 宣室志 幽怪錄

續幽怪錄 異聞集傳 清異錄 搜神記 感知錄 辨疑錄

大唐奇事 耳目志 顏之推還冤志 幽明雜警 稽神錄

搜神摭記 括異記 窮神祕苑 京本太平廣記 夷堅志

呂南公測幽 物類相感志 補妒記 類說 唐語林 乾

騷子 角力記 樹萱錄 文場盛事 劉公嘉談 傳奇

怡顏集 前定錄 續前定錄 異聞錄 洛中紀異錄 文昌

雜錄 玉堂閒話 郡閣雅言 茅亭客話 洞微志 野人閒

話 友會藪談 蔡條祈神文

雜藝類

法書要錄 法書苑 金壺記 書話 墨藪 書斷 述書品

書品論 翰林禁經 字源 書品優劣論 籀史 法帖釋

文 歷代名畫記 畫斷 畫評 聲畫集 名畫遺補 米氏

書畫史 圖畫見聞志 李王閣中集 寶章待訪集 德隅堂

畫品 蔡京內閣畫跋 孫子算經 海島算經 九章算經

五曹算經 投壺經 五陵雜格 碁訣 碁譜 碁經通遠集

琴錄 琴譜 正觀公私畫錄 續畫錄 後畫錄 名畫獵

卷之四

法書要錄 法書苑 金壺記 書話 墨藪 書斷 述書品

書品論 翰林禁經 字源 書品優劣論 籀史 法帖釋

精錄 五經算術 張邱建算經 緝古算經 方圓算經 方  
圓益古算經 曹唐算經 法算細曆 碁經 碁品 進士采  
選 補漢官儀 宣和采選 雙陸譜

譜錄類

宣和博古圖 考古圖 李伯時古器圖 晏氏辨古圖 石鼓  
文譜 石鼓文考 玉璽記 八寶記 玉璽譜 玉璽議 鏡  
錄 鼎錄 刀劍錄 文房四譜 續文房四譜 硯錄 墨經  
墨說 墨苑 端硯譜 歛硯譜 桐譜 顧煜泉志 封演  
泉志 董彥遠錢譜 李孝美錢譜 洪氏泉志 陶岳貨泉錄  
錦譜 璇璣圖記 沈氏香譜 洪氏香譜 天香傳 陸氏  
茶經 北苑茶經 宣和貢茶經 品茶要錄 張又新煎茶水  
記 毛文錫茶譜 茶總錄 北山酒經 酒譜 酒經 小名  
錄 侍兒小名錄 補侍兒小名錄 牡丹記 洛陽花木記  
洛陽花譜 揚州芍藥譜 歐公牡丹譜 荀譜 竹譜 續竹

譜 禽經 別本禽經 相鶴經 養魚經 蔡氏試茶錄 萱堂  
香譜 慶曆花譜 荔枝譜

類書類

修文殿御覽 太平御覽 天和殿御覽 文思博要 文樞要  
錄 藝文類聚 冊府元龜 劉存事始 馮鑑續事始 劉馮  
事始 經史事始 事物紀原 徐子光注蒙求 三國蒙求  
本朝蒙求 唐史屬辭 敘古蒙求 小說蒙求 葉才老和蒙  
求 會史 劉昆山集類 事類賦 經史類對 海錄碎事  
實寶錄 陸機要覽 兔園冊府 采箱子 文館詞林 語麗  
玉屑 分門節要 金鑰 備忘小鈔 開卷錄 編珠 文  
選事類 文選雙事 五色綫 蘇氏選鈔 班左訓蒙 北堂  
書鈔 記室新書 前漢六帖 應用集類 備舉文言 初學  
記 六帖學林 白氏六帖 孔氏六帖 晏公類要 文苑英  
華 揆天錄 類題玉冊 題淵 玉山題府 續題府 慶曆

萬題 選類 文選華句 雞跖集 書敘指南 通典 續通  
典 唐會要 五代會要 國朝會要 四朝會要 政和續修  
會要 中興會要

醫書類

本草 類證圖經本草 黃帝內經 八十一難經 難經疏  
甲乙經 仲景傷寒論 千金方 千金翼方 外臺祕要 銅  
人鍼灸經 王叔和脈訣 唐王冰啟元子 龐安常傷寒論  
膏肓腧穴灸法 傷寒證法 傷寒要旨 傷寒遺法 傷寒論  
翼 蘭室寶鑑 華陀中藏經 脈經 太平聖惠方 朱肱活  
人書 文潞公藥準 大智禪師必效方 雞峰備急方 贛上  
證俗方 養生必用方 保生十全方 丁晉公服食方 李深  
之手集方 衛濟寶書 許本知可事方 石藥爾雅 錢乙  
小兒方 曹王普惠方 傷寒百問方 海上名方 內外景圖  
氣運鈔 聖濟經 巢氏病源 金匱要略 劉涓子神仙方

廣濟方 靈苑方 蘇沈良方 孫兆方 古今必效 旅舍  
備要方 小兒保生方 資生方 活人名方  
別集類

漢揚雄集 漢張超集 枚乘集 孔光奏章 唐林奏章 鄺  
炎集 李尤集 蔡邕集 張衡集 董仲舒集 劉向集 魏  
武帝集 文帝集 明帝集 陳思王集 王粲集 陳琳集  
阮元瑜集 應德璉集 徐偉長集 劉公幹集 晉陸機集  
陸雲集 阮籍集 嵇康集 張華集 潘岳集 傅元集 江  
統集 張敏集 十四賢集 郭景純集 宋武帝集 顏延之  
集 謝惠連集 謝莊集 沈休文集 陶淵明集 遠法師廬  
山集 謝元暉集 鮑照集 王僧達集 謝靈運集 齊王融  
集 孔德璋集 梁昭明太子集 簡文帝集并詩 庾肩吾詩  
劉孝威集 劉孝綽集 何遜集 任昉集 庾信集 吳均  
集 徐陵集 陶弘景集 陰鏗集 江淹集 陳后主集 沈

炯集 張正見集 江總集 唐太宗集 明皇集 王勣東臯  
子集 許敬宗集 陳子昂集 張曲江集 蘇頌集 張說集  
駱賓王集 盧照鄰集 崔融集 王勃集 楊炯集 宋之  
問集 元次山集 高適集 王維集 獨孤及集 沈亞之集  
蕭穎士集 杜甫集 李白集 韓文公集 柳宗元集 李  
翱集 皇甫湜集 孟東野集 歐陽詹集 劉禹錫外內集  
元稹長慶集 白居易長慶集 呂溫集 權德輿集 陸宣公  
翰苑集 王仲舒制誥彙 常袞集 楊炎集 程晏集 李程  
集 梁肅集 李衛公會昌集 孫樵集 孫逖集 杜牧集  
沈雲卿集 李義山集 牛僧孺集 陳黯集 顧况集 符載  
集 蔣防集 劉子夏集 崔嘏制誥集 李翰集 穆員集  
李觀集 王貞白集 任希古集 孫郃集 陳陶集 林藻文  
集 毛欽一集 丁稜集 李甘集 李華集 陸龜蒙集 戎  
昱集 戴叔倫述彙 劉蛻文泉子 張登集 顧雲編彙 嚴

從中黃子 黃璞霧居集 秦韜玉投知小錄 盧肇文標集  
令狐楚表奏事 于公異奏記集 鄭畋敕誥集 鄭畋堂判集  
段成式漢上題襟集 鮑溶集 賈至集 皮日休集 司空  
圖一鳴集 麴信陵集 姚合極元集 殷璠丹陽集 薛瑩洞  
庭集 李琪篋中集 唐彥謙集 李公武集 王穀觀光集  
松陵唱和集 顏魯公集 岑參集 裴晉公集 樊宗師集  
王侍讀集 劉商集 吳均集 南唐李後主集 南唐潘佑集  
羅隱集 韋蘇州詩集 李嘉祐集 杜審言集 張祜集  
孟浩然集 施肩吾集 吳融集 許渾丁卯集 劉又集 薛  
逢集 朱景元集 耿緯集 劉希夷集 李涉集 王貞白靈  
溪集 裴夷直集 李殷集 薛能集 李紳追昔遊編 邵謁  
集 來鵠集 李長吉集 邱為集 王操集 張碧集 盧仝  
集 張蠙集 賈島長江集 孟賓于集 孟歸唐集 張籍集  
錢起集 劉長卿集 方雄飛集 李君虞集 張承吉集

儲光羲集 鄭都官集 李益集 武伯蒼集 司空曙集 李  
 端集 張喬集 韓翃集 楊巨源集 陸暢集 周賀集 張  
 繼集 李頎集 朱慶餘集 林嵩集 王棨集 李頎集 郎  
 士元集 于鵠集 李廓集 李峴集 于鄴集 于武陵集  
 冷朝陽集 祖詠集 鄭巢集 綦母潛集 周濱集 竇叔向  
 集 雍裕之集 李適集 劉憲集 武平一集 趙彥昭集  
 陶翰集 盧象集 竇華集 秦韜玉集 包幼正集 蘇味道  
 集 徐鴻集 崔湜集 李遠集 崔顥集 羅昭諫集 王司  
 馬集 顧非熊集 崔國符集 柳惲集 唐求集 顧佐鎔集  
 王涯詩 又宮詞 張仲素歌詞 張拾遺筆詩 令狐楚歌  
 詞 武元衡集 李公垂集 朱灣集 朱放集 高蟾集 楊  
 衡集 沈彬集 林寬集 嚴郾集 章碣集 崔曙集 曹唐  
 集 劉滄集 喻鳧集 曹鄴集 趙嘏渭南集 劉得仁集  
 許棠集 馬戴集 項斯集 姚鵠集 汪藩集 陳羽集 聶

夷中集 于濇集 劉駕集 王昌齡集 崔道融東浮集 章  
 孝標集 劉威集 崔櫓集 石臺集 孟貫集 司馬禮集  
 李九齡集 僧靈一集 僧無可集 僧修睦集 皇甫冉集  
 皇甫曾集 殷堯藩集 韓琮集 喻坦之集 徐凝集 温飛  
 卿集 韓偓集 杜荀鶴集 韓偓香奩集 王建宮詞 王建  
 集 竇氏聯珠集 羅虬比紅兒詩 蜀花蕊夫人宮詞 常建  
 集 裴說集 周朴集 劉乙集 李昌符集 李山甫集 周  
 繇集 龔霖集 熊登集 鄭崇集 鄭愚集 徐浩集 羊士  
 諤集 包何集 崔顥集 張南史集 李羣玉集 于勃集  
 李咸用集 方干集 南唐李建勳集 眞宗皇帝集 徽宗  
 皇帝集 范質集 陶穀集 張洎集 李志集 徐鉉集 賈  
 黃中集 蘇易簡集 宋白集 田錫咸平集 王元之小畜集  
 錢希白金閨集 寇萊公巴東集 丁晉公集 楊文公武夷  
 集 又別集 宋宣獻祕殿常山集 晏元獻二府集 紫薇集

劉筠榮遇集 錢文僖擁旄集 伊川集 李邕鄆書殿集  
又筆語 夏文莊集 柳仲塗集 宋宣獻操縵集 緹巾集  
宋景文集 范文正集 余襄公集 石守道徂徠集 李泰伯  
盱江集 蘇國老集 趙彥若儒林舊德集 歐公集 江鄰幾  
集 梅聖俞集 蘇子美集 二尹集 蔡君謨集 杜默詩豪  
集 章望之道窮集 王文公臨川集 張安道樂全集 又玉  
堂集 曾子固元豐類稿 又續稿 王逢源集 王深父集  
王容季集 王觀集 劉原父集 劉貢父集 王元澤集 王  
和父集 王平甫集 曾子宣集 曾子開集 老蘇嘉祐集  
東坡前後集 子由樂城集 三蘇遺文 韓忠獻安陽集 司  
馬文正集 龐莊敏清風集 范蜀公集 呂正獻集 韓持國  
南陽集 王岐公華陽集 元厚之玉堂制集 玉堂詩集 青  
啟集 文潞公集 韓魏公集 祖擇之范陽集 陳述古古靈  
先生集 宋敏求東觀絕筆 王原叔遺文 鄭毅夫鄖溪集

彭器資集 王巖叟大名集 劉忠肅集 李邦直集 楊元素  
集 錢穆父集 强幾聖集 周濂溪集 明道先生集 伊川  
先生集 橫渠先生集 胡文恭集 呂元均集 陸農師集  
呂南公灌園集 馮文簡集 范忠宣集 章子厚內制集  
王子發元豐懷遇集 徐仲車集 龔輔之東原集 鄭錢夫西  
塘集 黃魯直集 張文潛集 秦少游淮海集 晁無咎雞肋  
集 陳后山集 趙承之集 李之儀姑溪集 范淳父集 張  
浮休集 李成季樂靜集 毛澤民集 三沈先生集 齊祖之  
賢良集 任德翁乘桴集 游定夫集 黃冕仲演山集 陳了  
齋集 鄒道鄉集 晁說之集 李格非集 張天覺集 田承  
君集 劉斯立集 崔德符集 鄧考功集 唐子西集 廖明  
略集 呂希純紫薇集 楊傑無爲集 畢仲游西臺集 清江  
三孔集 李履中滴水集 林子中集 邢和叔集 蔡天啟浮  
玉集 又丹陽集 二林集 葉棣集 鮑當清風集 羅正之

赤城集 吳思道集 王防集 邢淳夫呻吟集 劉輝東歸集

戚同文孟諸集 馬子才集 杜澤民鄧城集 劉偉明集

慎伯筠集 黃長睿東觀餘論 林和靖集 鄧肅栢欄集 石

孝若集 王賢良策論 沈興宗集 吳淮集 李新跨鰲集

徐德占進卷集 洪駒父老圃集 徐夫人詩 女郎曹希蘊詩

女郎謝希孟集 鄭褒集 張乖厓集 孫明復睢陽集 向

文簡公集 呂獻可集 楊文公刀筆集 歐陽公刀筆集 宋

景文刀筆集 東坡刀筆集 王發進卷 張臺卿盤谷集 周

行己集 呂與叔芸閣集 程俱北山集 呂叔巽集 謝無逸

集 謝幼槃集 呂居仁集 楊龜山集 王初寮集 梅執禮

集 毛友爛柯集 蘇後湖集 曾紆空青集 蘇籀雙溪集

許志仁集 王瞻叔集 韓子蒼陵陽集 李忠愍集 高彥先

東溪集 龐佑甫白蘋集 鮑欽心集 林元凱集 秦寬之表奏

集 張叔夜集 周少隱太倉稊米集 張全真集 周麟之集

汪彥章集 陳簡齋內外制 孫叔階內外制 綦叔厚內外

制 湯進之內外制 林待聘內外制 葉石林集略 邵公濟

集 呂元直集 李漢老艸堂集 翟公巽集 張右丞集 王

居正竹西集 沈與求龜溪集 方祕監集 吳則禮集 張巨

山集 朱喬年韋齋集 胡世將集 劉行簡集 熊叔雅集

趙德莊集 朱伯原集 鄭成之集 程仁奏稿進卷 林伯仁

集 陳知默集 李先之章貢集 陳邦光集 畢良史集 又

繙經堂詩 倪偁綺川集 章叔度集 胡五峰集 葛文康丹

陽集 葛謙問歸愚集 李吉光集 曹直講集 傅察集 傅

安道集 張南軒集 張于湖集 李直言集 竹軒雜著 苗

彥先集 邵緝荆谿集 游畏齋集 仲彌性集 馮蹇叔集

芮國器集 梁文靖集 汪端明內制 洪景盧內外制 趙莊

叔集 王夢得集 程正伯集 錢聞詩全室翁集 曹勛松隱

集 曾覲蓮社集 張鑑南湖集 黃陳詩注 李襄公詩 袁

遂翁詩 關子東詩 鄭諶詩 林和靖詩 蔡堅老詩 徐師  
 堅東湖集 邵堯夫擊壤集 强常州詩 危先生詩 劉景文  
 橫槩集 陳子高天台集 汪彦章選荆公詩 張商英西山倡  
 和 會稽公倡和 陳簡齋集 王君玉詩 吳思道詩 孔氏  
 詩戲 趙叔靈詩 晁君成詩 鄒德久和陶詩 劉無言詩  
 姚揆詩 夏均父詩 汪信民集 朱新仲詩 周元忠詩 張  
 彦實東窗詩集 朱逢年玉瀾集 藏海居士詩 呂景實詩  
 唐仁傑詩 晁伯封邱詩集 簡齋岳陽紀詠 趙獻簡詩 蘋  
 溪詩集 楊誠齋詩 陸務觀詩 羅端良詩

章奏類

唐魏鄭公諫章 唐郭子儀奏議 唐陸宣公奏議 唐李絳論  
 事集 唐鄭畋論事集 唐于公異奏記集 唐令狐楚表奏  
 事 唐李磻奏議 唐韋莊諫草 南唐陳致雍曲臺奏議  
 唐名臣奏議 趙韓王諫橐 王元之奏議 田錫奏議 富鄭

公劄子奏議集 韓魏公諫垣存草 范蜀公奏議 呂獻可奏  
 議 歐陽文忠公從諫集 龐莊敏奏議 賈魏公奏議 孫威  
 明奏議 包孝肅奏議 余襄公諫草 趙清獻奏議 楊元素  
 熙寧臺章 又熙寧諫疏 王明叟奏議 王巖叟大名餘橐  
 又奏議 傳堯俞奏議 梁燾奏議 王荆公奏議 呂汲公奏  
 議 文潞公奏議 劉忠肅奏議 韓持國奏議 范忠宣國論  
 蘇文忠奏議 蘇黃門奏議 劉器之盡言集 曾子開奏議  
 范德孺奏議 趙瞻奏議 陳次升奏議 任德翁奏議 常  
 安民紹聖諫疏 孫升元祐諫疏 上官均奏議 龔諫議奏議  
 李公擇奏議 蔡敏肅奏議 江民表奏議 鄒忠公奏議  
 蔡鞞臺章 劉孝肅奏議 張天覺奏議 孫內翰經緯集 錢  
 彥遠諫垣集 張芸叟奏議 錢安道奏議 董令升奏議 劉  
 待制諫草 傅先生奏議 丁騭奏議 林子中奏議 鐵肝御  
 史奏議 陳聞樂奏議 呂居仁奏議 李伯紀奏議 陳國佐

奏議 張全真奏議 蘇季真奏議 章且叟奏議 劉大中奏議  
議 趙忠簡奏議 葉石林奏議 劉珏奏議 林待聘奏議  
霍叔豹奏議 曾元忠奏議 石侍御風憲集 張魏公奏議  
范元長奏議 分門名臣奏議 骨鯁奏議 三老奏議 元祐  
章疏 建炎以來章疏 戊午讜議 田錫章疏別集 范文正  
奏議 又政府奏議 朱光庭奏議 吳執中奏議 范忠宣彈  
事 王韶熙河奏議 馬仲塗奏議 劉隨諫草  
總集類  
楚辭 洪氏補注楚辭 晁氏定楚辭 晁氏續離騷 晁氏變  
騷 周少隱楚辭贅說 天問章句 古文章 古文苑 李善  
注文選 五臣注文選 文苑英華 孔道文苑 西漢文類  
秦漢遺文 三國志文類 漢唐策要 唐文粹 唐史文類  
南北雜文 類文 聖宋文粹 皇朝文鑑 本朝二百家文  
粹 四先生文粹 西漢詔令 兩漢詔書 唐大詔令 咸通

表奏 大中制誥 太平內制 五代制誥 唐以後詔敕錄  
本朝大詔令 玉堂集 中興玉堂制草 續玉堂制草 續西  
垣制草 唐章奏類 唐類表 輔弼名對 本朝羣公奏議節  
要 唐賢長表 唐人類啓 唐臨淮尺題 唐羽書集 本朝  
尺牘 仕塗必用 詞林類彙 龍筋鳳髓判 余襄公判詞  
典麗賦 宏詞類總 羣策纂要 韶武遺音 古詩選 唐五  
言詩 唐七言詩 續增五言七言詩 古樂府 樂府詩集  
唐百家詩選 皇宋百家詩 樂府逸詞 花間集 江西詩派  
詩苑英華 唐中興閒氣集 唐河岳英靈集 太平文華  
唐又元集 大曆浙東聯句 羣英聯句 西崑詩 寶刻叢章  
聲畫集 玉臺新詠并後集 唐才調集 唐詩類選 九釋  
詩 宋文海 緘啓新範 名賢四六集 皇朝制誥 瑤池集  
成都文類 廬陵集并續集 丹陽集 揚州集 又賦 岳  
陽名賢詩 許昌倡和集 漢南酬唱 吳興詩 嚴州集 天

台詩文 桃源詩 汝川圖集 石鼓山詩 嚴州詩 齊安集  
于越紀詠 京口集 延平集 湟州集 金山詩 荆門集  
石橋詩 池陽詩 括蒼集 小有洞庭前後集 江夏紀詠  
滁陽慶曆集 無爲集 廬山集 宣城集 華鎮會稽覽古  
詩

文史類

梁劉勰文心雕龍 梁任昉文章緣起 梁鍾嶸詩品 晉李充  
翰林論 馮鑒修文要訣 唐登科題解 文選同異 詩史音  
辨 詩史總目正異 詩話集類 詩苑類格 敘事詩話 詩  
談 韻語陽秋 黃微詩話 周少隱詩話 王明之詩話 王  
性之詩章并後記 茗溪漁隱叢話 筆墨閒錄 見見錄廣類  
烏臺詩案 詩話雋永 靜照詩話 唐宋詩話 洪駒父詩  
話 詩話總龜 漢皋詩話 歸叟詩話  
樂曲類

唐花間集 馮延巳陽春集 黃魯直詞 秦淮海詞 晏叔  
原詞 晁次膺詞 東坡詞 王逐客詞 李后主詞 楊元素  
本事曲 曲選 四英樂府 錦屏樂章 樂府雅詞

遂初堂書目

予生晚不及拜遂初先生聞儲書之盛又恨不能如劉道源假館于春明者寶慶初元冬得罪南遷過錫山訪前廣德使君則書厄于火者累月矣爲之徬徨不忍去因維國朝以來藏書之盛鮮有久而弗厄者孫長孺曰唐僖宗時爲榜書樓二字國朝之藏書者莫先焉三百年間再燬于火江元叔合江南吳越之藏凡數萬卷爲臧僕竊去市人裂之以藉物其入于安陸張氏者傳之未幾一篋之富僅供一炊王文康李文正廬山鏹壯輿南陽井氏皆以藏書名未久而失之宋宣獻兼有畢文簡楊文莊二家之書不減中祕而元符中蕩爲煙埃晁文元累世所藏自中原無事時已有火厄至政和甲午之灾尺素不存斯理也殆不可曉聖賢不過託之憲言以垂世示後所以共天命而植人彝也兼收並蓄博覽精索以淑其身以待後之人此何辜于天而厄之已極也使子孫不能守如江張王李諸家是固可恨若孫宋晁氏則子孫知守矣而火攻其外矧如尤氏子孫克世厥家滋莫可曉雖然是穠是藪雖有

饑饉必有豐年吾知襦袷耳豐凶非我知也尤氏子孫其尚思所以勿替先志云臨邛魏了翁跋

李太史燾云延之于書靡不觀觀之靡不記每公退則閉戶謝客日計手鈔若干古書其子弟及諸女亦鈔書一日謂子曰吾所鈔書今若干卷將彙而目之飢讀之以當肉寒讀之以當裘孤寂讀之以當友朋幽憂讀之以當金石琴瑟也

右遂初堂書目一卷按直齋陳氏書錄解題曰錫山尤氏尚書表延之淳熙名臣藏書至多法書尤富嘗燼于火今其存無幾矣吳郡陸友仁書

右遂初堂書目一卷宋尤袤撰袤字延之無錫人紹興十八年進士官至禮部尚書諡文簡事蹟具宋史本傳延之富於書籍遂初堂所藏陳振孫推爲近世之冠此目無撰人無卷數毛开序魏了翁陸友仁二跋與四庫本同一書兼載數本開近人目錄兼載各本一派複見之書提要舉大曆浙東聯句一入別集一入總集今攷其中如焦氏易林一入周易一入術數汲冢周書一入尚書一入春秋天下大定錄一入雜史一入僞史皇祐平蠻記一入本朝故事一入地理慶曆軍錄一入本朝故事一入兵書隋李文博中興書一入儒家一入雜家瀨鄉記一入地理一入道家熙寧番官陳院編敕一入職官一入刑法文場盛事一入故事一入小說石藥爾雅一入醫書一入道家于公異記集令狐楚表奏事一入別集一入章奏文苑英華一入類書一入總集花間集一入總集一入樂曲郊祀錄儀注類兩見崔顥集伊川先生集別集類兩見王文公送伴錄王介甫送伴錄一舉其字一舉其諡一入雜史一

入本朝故事共十八條今皆注明重出而原文不刪李紳追昔游  
編見別集類又有李公垂集不知是一是二均在可疑宋人目錄  
畱於今者只晁氏讀書志與此目尚是流傳舊本殊可貴也延之  
嘗取孫綽遂初賦以自號光宗書扁賜之故以遂初名堂云光緒  
丙申七月天孫渡河之夕武進盛宣懷跋

獨

月

糶

糶

目

糶

本	氏	炎
開	用	緒
卷	百	丙
三	來	昌
	一	世
	塵	誰
	鈔	盛

江陰李氏得月樓書目摘錄

大易緝說十卷 五本 王申子 元板

易說六卷 四本 趙彥肅 元板

易經圖說三卷 一本 錢義方

易經會通十四卷 董真卿 元板

洛陽保八原旨八卷 四本 元板

鄱陽董鼎纂注蔡傳六卷 二本

王耕野讀書管見二卷 一本 王充耘

洪範論疇解 一本 鈔

詩集傳通釋大成二十卷 十四本 胡一桂 元板

周禮集說十卷 五本 陳友仁

太平經國之書十一卷 鄭伯謙

儀禮圖十七卷 十七本 楊復 元板

左傳 六本 小板

左氏傳補注十卷 三本 趙訪

春秋屬辭十五卷 趙訪

左氏集解十五卷 李時成

春秋諸傳會通廿四卷 李廉 元板

春秋纂疏三十卷 汪克寬 元板

春秋纂傳三十卷 四本 穆文熙

叢書堂春秋本末三十卷 宋濂 鈔本

三禮纂注四十九卷 二十八本 貢汝成

四書叢說四卷 三本 許謙 元板

四書通義 趙訪重輯 朱公千約 程復心章圖 王逢義

九經白文 十八卷 宋板

五侯鯖字海二十卷 六本 湯海石

押韻釋疑五卷 五本 歐陽德隆 宋板 黃云小讀書堆有此書

押韻淵海二十卷 四本 嚴毅 元板 黃云余家有元刊殘本

詩壇叢音二十八卷 廿八本 吳綬

認字測三卷 周字

辨釋篆法辨 一本 應在

篆法偏旁點畫字辨歌 一本

學古編碑式 一本

編輯史記十七卷 活字板

史記注八十七卷 陳伯宣

遷史刪改古書異辭十二卷 倪思

西漢決疑五卷

東漢刊誤一卷 劉貢父

兩漢刊誤補遺十七卷 吳仁傑

漢書祕史 一本 甯王

唐書音訓四卷 竇苹

新唐書糾繆二十卷 吳瀨

唐書列傳辨證二十卷 汪應辰

新唐書略三十五卷 呂祖謙

唐書要論十卷

通鑑釋文二十卷 司馬休 宋本

通鑑釋文三十卷 史炤

皇王大紀八十卷 胡宏

宋季三朝政要六卷 一本 鈔

歷代譜括二卷 一本 孫應符 鈔

直說通略十三卷 成化本

大金國志四十卷 鈔

分類紀要十九卷 黃震

蜀漢本末三十卷 趙居仁

太和辨謗略三卷 李德裕

聖宋掇遺一卷 歐陽靖

蔣魏公逸史二十卷 蔣之奇 鈔

青溪弄兵錄二卷 王彌大 二本

襄陽守城錄一卷 趙萬年 鈔

平蠻錄七卷 韓雍

邊功類考六卷 張珩

東征紀勝略一卷 一本

開初初紀六卷近光錄三卷 許相卿

革朝志 三本 許相卿

兩漢書疏十六卷 東漢八 西漢八 六本

魏鄭公諫錄六卷 王方慶

盡言集十三卷 劉安世

諸臣奏議一百五十卷 趙汝愚 宋板

齋台諫論二卷 倪思正

東家雜記三卷 七十四代孫編 宋板 黃云余家有宋板

琬珍集上二十七卷中五十五卷下二十五卷杜大珪 宋板

中興集議名臣言行錄三十卷小板

國朝名臣事略十五卷蘇天爵 元板 黃云周香巖有元刻

名臣碑傳琬珍錄前二十四卷後二十二卷十二本 徐紘 黃云癸酉仲冬見此書

十七史百將傳四本 張預 元板 黃云癸酉仲冬見此書

奸臣錄一本 李賢

歷朝璫鑑四卷四本 徐學聚

中鑑錄七卷孫隆

歷代史志辨五卷五本後缺 宋板

呂東萊觀史類編五卷五本後缺 宋板

五國故事三卷二本

南唐書十卷胡恢 宋本

十國紀年四十二卷劉恕 鈔

歲華紀麗四卷韓鄂

輿地廣記三十卷歐陽忞 宋板 黃云乍浦韓氏有宋刻即

皇朝方域志二十卷竹垞藏本已收得付梓 王希先

長安志十卷宋敏求

河南志二十卷宋敏求

臨安志十五卷周淙

蘇州圖經六卷李宗諤

新安志十卷羅願

成都古今記三十卷趙朴

宣和奉使高麗圖經四十卷徐兢

西洋番國志一本 胡文定

東南防守利便三卷呂祉

職林二十卷楊侃

翰林續志二卷蘇易簡

職官分紀五十卷孫逢吉

麟臺故事五卷 程俱

翰林盛事一卷 張著

玉堂雜記三卷 周密

通典二百卷 杜佑

通典詳節四十二卷 元本

續通典二百卷 白太素

五代會要三十卷 王溥 鈔

建炎朝野雜記甲乙集四十卷 李心傳 鈔

政和五禮新儀二百四十卷 缺

紹興貢舉攷法五十卷 方俟高

景德會計錄六卷 丁謂

集古目錄二卷 歐陽棐

孔叢子七卷 宋咸注 小板

黃氏日鈔九十七卷 黃震

莖錄二本 鈔

韓非子十二卷

孫子注解十三卷 六本

表學尺繩一本 小板

太玄經十卷 宋板

皇極經世書十二卷 邵子

天元發微五卷 鮑雲龍

營禪子尚占三卷 李之純

龍筋鳳髓判四卷 一本 張鷟

疑獄集前後續 三本

多能鄙事十二卷

古今攷五十八卷 劉次莊 鈔

法帖釋文十卷 一本

墨池編六卷 朱長文

墨池編二十卷

二本

徐子擴

鈔

圖繪宗彞八卷

楊爾曾

待問會元九十卷

二十本

劉達可

錢譜十卷

顧烜

貨錢錄一卷

陶岳

續錢譜十卷

董道

白氏六帖事類三十卷

宋板

仕學軌範四十卷

宋板

紺珠集十三卷

汪宗哲

分門瑣碎錄十九卷

四本

鈔

古今類事二十卷

委心子

二本

鈔

儒函數類六十二卷

一本

元板

羣書續編賦題星鳳

二本

百壽類函八卷

百段錦上下二卷

方頤孫

世說新語六本

宋板

睽車志鈔

類體少陵詩十七卷

吳集

小板

山谷詩注二十卷

任淵

米元章詩集五卷

樓攻媿集一百二十卷

鈔

演山集六十卷

黃裳

鈔本不全

沈龜溪集十二卷

呂東萊別集十六卷外集五卷

附年譜一本

茗溪集五十五卷

山堂遺集十卷續八卷

六本

陳絳

嚴羽詩集六卷

裘萬頃詩集六卷

曾幾詩二卷

宋伯仁詩集三卷

戴昉詩集五卷

趙師秀詩四卷

翁卷詩四卷

徐璣詩集四卷

徐照詩集一卷

養蒙集十卷 元人鈔本

程雪樓集三十卷

秋澗集一百卷

陳孚詩集六卷

貫云石詩二卷

盧互詩集三卷

溫清珙詩集六卷

薛漢詩二卷

王士熙詩三卷

陳旅詩集三卷

傅若金詩四卷

張翥詩集四卷

李孝光詩集二卷

盛廷珪詩四卷

龍從雲詩二卷

鄭允詩一卷

文苑英華纂要辨證十卷 一本元板

文苑摘粹十卷 一本元板

聖宋文選全集三十二卷 宋本黃云余家有宋本

五百家播芳大全一百十卷 十五本缺

東坡樂府三卷 三本宋板

萬卷精華二百三十七卷

鈔

古賦辨體十卷

宋祝堯

漁隱叢話前六十卷後十卷

胡仔 鈔

竹窗詩話二十四卷

六本

何溪汶

金石例一卷

江陰李氏得月樓書目各家簿錄未載江陰近在同省亦未知李氏爲誰何余自古泉山館借得傳寫一本以備披覽此目雖云摘錄然中多罕有之書是可珍也原本誤及可疑處用朱筆識傳誤以墨筆改之蕘翁記

江陰李氏得月樓不知其誰何頃見東澗手錄陶九成草莽私乘謂借自江上李如一并言如一好書獨專甚至滅先人產收買圖籍而不惜其他性情志氣無非愛惜之至此非江陰李氏殆卽所謂江上李如一乎余友海虞陳君子準云東澗相好有江陰李貫之殆卽其人乎見聞孤陋不識如一貫

之是否一人亦自此證之約略近是湖估借此目錄副還書三日因書近日見聞如此道光甲申秋閏月十三日老蕘翁記於學耕堂

得月樓書目

李如一傳

繆荃孫

李鶚狝字如一後以字行別字貫之江陰人始祖恆烈公至元中

從伯顏丞相官統軍元帥墓在河間寧津縣子霑柯孫李八撒兒

佩金虎符世家江陰遂家焉八撒子脫寅拜江浙行中書參知政

事鎮平江至正丙申死淮張之難錢謙益李貫之先生墓志銘大父謝蔭謝蔭

如一性耽文史著有世德堂吟藁名山大川記戒庵漫筆諸書陳

李謝蔭傳如一少為邑諸生多識古文奇字早謝舉業蔡沈深讀

書陳繼儒藏事大父父母竭盡孝敬冠婚喪祭一遵古禮蔡同時

文震孟陳繼儒史孟麟並稱其學行敦尚理學著身心二圖謂人

死非死心死即死故圖以闡之陳志李天啓中羣小附椽人亂政

每齧齒唾罵繼以泣涕繆宮允昌期妹之夫也御史應昇弟子也

相繼械繫君執應昇手曰勉之李氏有人矣詒繆書曰平生學力

方寸裁決吾不惜為王炎午斯吾所謂強學力行強立不返者也

錢志謂朱子於戴記未有成書網羅鉤貫撰禮經輯正自詡以來

所積書日益蔡如一好書尤專黃丕烈得月見圖籍則破產以收

獲異書則焚香肅拜其與人共也遇祕冊必貽書相問有求假必

朝發夕至且一經名人繙閱則書更珍重錢謙益草倣宋晁氏尤

氏目錄自為詮次發凡起例井如也蔡其作家譜也徵蒙古事最

核金虎符三珠二珠之別則辨國制八撒伯察脫寅脫因之稱則

考國音明善公督漕死事之詳則援据陳敬初張文蔚之詩誄昔

文徵仲諳勝國故事如一庶幾焉錢志集邑人說部刊藏說小萃

湯大理沐之公餘日錄張司訓誼之宦游紀聞張學士袞之水南

翰記朱太學承爵之存餘堂詩話徐山人充之暖姝由筆沐游集

唐貢士震龍之延州筆記而其祖戒庵漫筆附焉藏說小晚與虞

山錢受之定交受之譔明史嘗貽書姚叔祥訪求鄭端簡后妃權

倖等十二傳以助之崇禎庚午卒年七十有四蔡志

右得月樓書目一卷得月樓為明李鶚翀如一藏書之所如一為

李詡戒庵之孫藏書最富與文文起錢受之相友善世所謂赤岸

李氏者也其孫成之跋戒庵漫筆云乙丙易代之際土賊四起書

倉煨燼獨其目幸存於家李將俟刻之聊志先大父彙集之苦心

云蔡澍江陰志列傳云如一倣宋晁氏目錄發凡起例自為詮次

是如一本有書目而今亦不傳此目止百九十餘種雖云摘錄然

世間已佚之書如李廉春秋諸傳會通廿四卷陳伯宣史記注八

十七卷劉攽東漢刊誤一卷汪應辰唐書列傳辨證二十卷呂祖

謙新唐書略三十五卷李德裕大和辨謗略三卷歐陽靖聖宋撥

遺一卷蔣之奇魏公逸史二十卷倪思正齋台諫論二卷中興集

議名臣言行錄三十卷呂東萊觀史類編五卷胡恢南唐書十卷

劉恕十國紀年四十二卷宋敏求河南志二十卷周淙臨安志十

五卷趙抃成都古今記三十卷楊侃職林二十卷張著翰林盛事

一卷白太素續通典二百卷萬俟卨紹興貢舉攷法五十卷丁謂

景德會計錄六卷顧烜錢譜十卷陶岳貨錢錄一卷董道續錢譜  
十卷陳絳山堂遺集十卷續八卷文苑摘粹十卷共二十七種王  
文簡居易錄云陸雲士令江陰云有胡恢南唐書今見此目方知  
陸所云者卽李氏所藏而書久佚荃孫从汪郎亭前輩所假得爲  
黃蕘圃舊藏與述古堂傳是樓宋元本目各爲一帙喜爲錄存并  
錄副贈金君漑生漑生卽梓人粟香室叢書特苦其編次無法又  
複出十國紀年文苑纂要辨證兩種辛卯自京旋里又從赤岸故  
家覓得鈔本一帙較爲完善復爲梓行江陰藏書家前明推朱君  
子儋李君如一今子儋僅有存餘堂詩話及以愛妾易宋本漢書  
一事又不如如一尚有此目存也光緒乙未十二月江陰繆荃孫  
跋

